

宣統新疆圖志

新疆圖志卷六

國界二

六年正月初三日改派大理寺少卿曾紀澤充出使俄國欽差大臣六月二十四日抵俄都森彼得堡

曾紀澤庚辰七月初四日致總署總辦書紀澤到俄第三日即遣馬格里往見駐俄英使德佛楞德云中國使者初到外部吉爾斯等必以厲色相待無須介意久之總可轉圜俄人所注重者邊界要案數件必須速辦以平其心而顯中國和好之意一也重罪必須赦免且須斟酌措詞如云姑赦斬罪仍俟新使辦事得手乃予真赦則俄之怒更不可解二也先派頭等公使俄人常以夸人今派二等公使較爲減色三也此皆吉爾斯親對余言既未屬余秘之余故可以告君以余觀之末一條不關緊要前二條則甚吃重歸告曾侯其留意安排應答之語可也曰意格見駐俄法使商西言不如英使之詳而說崇星使事則亦

懇切紀澤於是連發三電二十八摘報英法使語二十九摘報外部情況月朔求速辦邊塞各案想堂憲見電必斟酌賜覆半月內外可以全到屆時若值開端論事紀澤稍有把握矣

曾紀澤庚辰七月二十四日致總署總辦書本月初四日肅函附錄與俄外部吉爾斯等問答節略計可呈覽外部此次催詢修改各事其勢若迫不及待紀澤本擬將尊處議改各案和盤托出繼思發端伊始似宜渾括大意爲宜觀其口氣如何再爲逐條分晰庶操縱在我不虞扞格特囑日意格慶常參議法文節畧六款并就洋譯漢各繕具一分於十九日送去其中有照原議駁改者如第一款伊犁須交還全境第二款塔喀兩界仍照舊趾第四款領事祇添嘉峪關一處第六款關外各處不宜概行免稅是也有照原議允准者如第三款之嘉峪通商尼料行走第四款嘉峪設領事哈古巴指定一處留貨是也以上准駁關繫最大確不可易故立言不嫌其決絕有原議未曾議及

而此次必須添叙者前約割留伊犁西邊及帖克斯川一帶俄人本以安插伊犁遷籍之民爲詞此次索還伊犁全境俄必復申前說是以按照第四款俄民遷回之豫與商安插之法以塞其口至本屬俄民與伊犁遷籍之民辦法如應稍示區別當俟商訂條約時再行細議有照原議議駁而措詞小異者如塔喀兩界雖日照舊倘實有不便宜各派員勘定而仍抱定彼此互讓立論以示持平第四款領事雖祇許嘉峪關一處而更參以日後商務繁多再商添設使之不至絕望其實彼之分界祇圖趁時要挾若彼此大臣臨境商訂是將難商一事作爲另案辦理操縱仍在我矣領事非通商口岸不准設再商之說亦屬空談不過語氣委婉聞者易受有原議准駁兩歧仍遵駁意而措詞稍活者如條約十四條喀巴古等城指定一處照張家口辦理與十二條關外西路各城貿易均不納稅兩議似屬不符蓋三城地方均係關外西路旣曰不納稅矣何又謂照張家口

辦理乎日前已發電奉詞未接復示不敢擅斷謹遵駁議第六款內言明關外各處貿易不納稅勢難全准云云渾涵其詞預留日後轉圜地步有原議駁改而此次暫未吐露者如第三條之伊民已入俄籍不准入界爲商一層俄之難允姑不具論既稱俄民矣則曾爲伊民與否邊界官何從詰之是徒添爭辯而似無益於實際也此數語能刪固妙否則仍當電商求允十條之由台站行走發寄物件一節電詢侯復姑從緩議十一條之領事官與地方官用信函考法文本作公文並非信函字樣擬商令照各國通例辦理章程二條之天山南北貿易不聲明照被逃之法辦理並罰貨入官字樣八條之貨主不知情分別罰辦各節統俟將來眞得逐條訂約時再行隨時商辦始覺輕而易舉故於節畧末端載明其餘小處應俟大端商有頭緒再議有照原議駁改而辦法稍異者如第三條伊犁居民遷籍於交收伊犁以前詢明特恐俄人從中唆聳必致紛紛求去多生枝

節故改爲交收伊犁以後且收地以得民爲重似不必拘以年限迫之使去第四條伊犁俄人產業概行給價入官屆時恐有煩重難行之病特添叙售於中國之民發給公平價值入官其未售以前仍照中國人民納稅以免其恃符滋弊有原議通融允許而此次仍未露出者第四條俄人爲產業所累不能遷回應歸中國人民此條有傷領事官之權利不惟俄人難允西洋各國皆將爭之查西洋各國多有不許他國人民在其國置產者是以此次照會將原議通融允許留管產業一層刪去俄人雖亦將爭之然吾之執理甚長可以徧告西洋各國而無慙也有未照原議明駁而隱寓駁意者凡設領事處始有行棧既無領事則行棧之不設自不待言日後定約時再爲添序似不嫌突嘉峪關既無通商口岸則西安漢中便屬內地節畧第六款以過界當照各國總例辦理一語限制之非特彼欲往西漢等處須在該關正子並交之後方可照舊約領單前往卽章程第

七條由張家口赴內地銷售一節亦必不能行此外原議所駁專條行船至伯都納一節張侍讀謂舊約既載中俄兩國行船明爲專指共管之地而言論約洵爲得間紀澤以爲虛言其理猶不若實徵其地試問松花江左岸何嘗爲俄國屬地是愛琿定約時明明將混同江誤稱松花江也顧在俄欲辨其訛而佯爲不知聞往歲伯都納之議布策尙以爲未足蓋以舊約松花江行船本無限制豈崇星使訂立專條尙聲明起首開辦字樣爲日後推廣張本經此番議駁後直將愛琿舊約之訛一律更正從前猶可不服攔阻此後尙復何所覲覷因此齟齬恐他事亦相持不下鄙意擬留爲後圖倘伊犁全交他事亦尙順手則可告以此事應由兩國派員在彼勘明屬地江名再商辦法此次約內暫置勿論以免爭執又兩國奉行約章總以蓋印畫押之件爲憑查愛琿定約時祇有滿文蒙文俄文而並無漢文不知刻本漢文係從何文譯出若以刊行俄文論之訛之繙譯教

習夏干據稱文內祇有松囑里

俄人呼松花江爲松囑里

准俄國行船字樣實並

無松花江左岸爲俄人屬地及准許中俄兩國行船字樣紀澤
又不知刻本俄文是否眞照原定之俄文繕寫此地實無從懸
揣現在我若援刻本漢文爲證彼卽援刻本俄文爲憑各執一
詞萬難定議因思愛琿定約時在咸豐八年其原定之滿蒙俄
各文正本必存理藩院可否由尊處行取原本文字各行照譯
漢文一分互相核對是否原文錯誤抑係彼人捏造不難水落
石出至原准之盧布爾五百萬元所以不提者以備彼詰問伯
都納議駁何以不早提及時卽將專條二事一允一駁援以相
抵總之在我無論如何打算究屬一而辦法事之可商與否必
須俟其原文到日方有把握此邦純尙謫詐畢竟無從捉摸而
紀澤之無識無才亦可概見矣

曾紀澤庚辰十二月十五日致總署總辦書來俄雖已半載賓
主結難數十萬言前此都是虛擲景光枉勞唇舌布策陰柔狡

很本有入水不濡近火不熱神通紀澤於理喻情動操術兩窮之時輒赴外部一申吾說而外部尙書格爾斯既隨扈遠在黑海署尙書熱梅尼於大端必須稟承俄皇格相之詔令小事又不如布策之精熟以是爭辯雖繁漫無實際朝允商改夕復游移紀澤如事亟時幸未輕於放鬆事緩亦無須忽然加緊故自抵俄至今尙無前後語言不符之弊公務雖極磨難而未至遽遭輕侮者獨賴此耳邇來俄皇回都頗不欲以戔戔之故驟墮兩國數百年之交好以和平了結責成格相連旬商議乃稍稍就我範圍伊犁雖未全還然得伊犁烏宗烏山帖克斯川莫薩山口諸要隘則伊犁拱宸諸城足以自守且與喀什噶爾之阿克蘇諸城得以通行無阻矣塔爾巴哈台之界雖未允竟照明將軍之約然兩國各派大臣於明崇兩界之中酌量勘定則猶不失爲一半之道且旣以清辦哈薩克事爲名如分界大臣因應得法似亦可以藉清邊患爲一勞永逸計也喀什噶爾照現

管之界派員勘定則出入利害權在勘定之員紀澤未履該處
與其據一紙之圖說定山川之名異日不免生出阻難似猶不
如暫不遙斷一以聽之分界大臣爲得計也商務則天山南北
兩路貿易均不納稅改爲暫不納稅他日尙有指望領事除嘉
峪關外僅許添設吐魯番一員嘉峪關通商至關而止俄貨雖
照天津有運入內地之利而貨賸牲畜人衆不至有暢行內地
奪我商利暨驚動平民之弊松花江行船事徑廢專條置之不
議凡此數大端皆與衙門疊電所囑相符業將前接外部照會
節畧條欵於冬月二十七日摘敘電陳乞奏示遵並於本月初
二日照錄全稿咨呈冰案計奉覆電約在二十前後如別無添
爭之件則上元前後可以定約畫押俄商至嘉峪關貨賸不復
關入之說格相布策雖已滿口應諾而不肯寫入條約章程之
中紀澤尙不甚放心寫約時當再與一爭至松花江之事愚意
本欲許至三姓且說定入界百里照章納稅既可免一二年間

復生爭論且使東邊商務不致復墜暗中侵入全失稅利之虧
廷議動言中國不重商政不圖稅利故總以徑廢專條爲主紀
澤又何敢自逞私臆而擅爲通融乎惟有恪遵衙門電示辦理
而已至崇約中有小事須更改及字句未妥協者繕寫約章定
議之時當再與布策委婉商之能改與否事未可必要之須就
有益於我無損於俄者立言乃不得謂之添爭之件庶幾易於
竣事耳

謹案曾紀澤六月二十四日抵俄至七月十七日俄皇始允
召見呈遞國書曾紀澤自言自抵俄都兩旬有餘細察俄人
相待之情頗有前倨後恭之象直至呈遞國書之日始有輪
誠修好之言蓋俄人一操一縱是其長技西人謂其具雄很
之心而復濟以柔忍之性非他國所能及也

七年正月曾紀澤定新約二十款奏聞畫押歸我伊犁是爲中俄
改訂之約

曾紀澤改訂條約疏奏爲與俄國外部改訂條約章程遵
旨蓋印畫押謹將先後辦理情形恭摺具陳仰祈

聖鑒事竊臣於七月廿三日因俄國遣使晉京議事當經專摺奏
明並電報總理衙門在案八月十三日接准總理衙門電稱奉
旨著遵疊電與商以維大局次日又接電稱面奉

諭旨俄事日迫能照前旨爭重讓輕固妙否則就彼不强中國概
允一語力爭幾條即爲轉圜地步總以在俄定議爲要各等因
欽此臣即於是日往晤署外部尙書熱梅尼請其追回布策在
俄商議其時俄君正在黑海熱梅尼允爲電奏布策遂召回俄
彼此往返晤商反覆辯論疊經電報總理衙門隨時恭呈

御鑒欽奉四月初五五月十九七月十七三十八月初五等日軍
機大臣密寄

上諭令臣據理相持剛柔互用多爭一分即少受一分之害
聖訓周詳莫名感悚臣受

恩深重目擊時艱統籌中外之安危細察事機之得失苟獲稍酬
高厚敢不勉竭庸庸無如上年條約章程專條等件業經前出
使大臣崇厚蓋印畫押雖未奉

御筆批准而俄人則視爲已得之權利臣奉

旨來俄商量更改較之崇厚初來議約情形難易迥殊已在

聖明洞鑒之中俄廷諸臣多方堅執不肯就我範圍彼各有忠於
所事之心亦無怪其然也自布策回俄向臣詢及改約諸意臣
卽案七月十九日致外部照會大意分條繕具節略付之布策
不置可否但云奏明俄君意若甚難相商者臣屢向熱梅尼處
催詢各條彼見臣相逼太甚遂有命海部尙書呈遞戰書之說
臣不得已乃遵總理衙門疊次電報言可緩索伊犁全廢舊約
熱梅尼又欲臣具牘言明永遠不索伊犁經臣嚴詞拒絕而微
示以伊犁雖云緩索通商之務尙可與商旋接外部照會除歸
還帖克斯川外餘事悉無實際爰據總理衙門電示分列四條

照覆外部又與之事事面爭熱梅尼等嫌臣操之太蹙不爲俄少留餘地憤懣不平布策又以通州准俄商租房存貨暨天津運貨准用大小輪船拖帶兩事向臣商論臣直答以原約之外不得增添一事雖其計無可施而蓄怒愈深矣臣日夜焦思深恐事難就緒無可轉圜適俄君自黑海還都諭令外部無使中國爲難於無可讓中再行設法退讓但經此次相讓後卽當定議云云外部始不敢固執前議於十一月二十六日送來照會兩件節略一件第一照會言此次允改各條中國若仍不允則不得在俄再議且將外部許臣商改之事全行收回第二照會言交收伊犁辦法三條節略中則歷敘允改之事約有七端臣請逐款詳其始末第一端曰交還伊犁之事查原約中伊犁西南兩境分歸俄屬南境之帖克斯川地當南北通衢尤爲險要若任其割據則俄有歸地之名我無得地之實綏索之說誠屬萬不得已之舉否則

祖宗創業艱難百戰而得之土地豈忍置爲緩國臣奉命使俄後通盤籌畫必以界務爲重者一則以伊犁喀什噶爾兩境相爲聯絡伊犁失則喀什噶爾之勢孤此時不索再索更待何時一則以伊犁東南北三界均與俄兵相接緩索後不與議界恐致滋生事端若竟議界又嫌跡近棄地而又慮其得步進步伊犁雖已緩索而他事之爭執如故也嗣因挽留布策非將各事略爲放鬆不可遂舍西境不提專爭南境相持不下始允歸還然猶欲於西南隅割分三處村落其地長約百里寬約四十餘里臣檢閱輿圖該處距莫薩山口最近勢難相讓疊次厲色爭辯方將南境一帶地方全數來歸其西南隅允照前將軍明誼所定之界第二端曰喀什噶爾界務從前該處與俄接壤者僅正北一面故明誼定界祇言行至葱嶺靠浩罕界爲界亦未將葱嶺在俄國語係何山名照音譯出寫入界約今則迤西安集延故地盡爲俄踞分界誠未可索崇厚原約所載地名按圖懸擬未

足爲憑臣愚以爲非

簡派大員親往履勘不可吉爾斯必欲照崇厚原議者蓋所爭在蘇約克山口也臣答以已定之界宜仍舊未定之界可另勘吉爾斯躊躇良久謂此事與中國有益非俄所求旣以原議爲不然不妨罷論臣慮界趾不清則釁端易啟特假他事之欲作罷論者相爲抵制布策又稱原議所分之地卽兩國現管之地臣應之曰如此何妨於約中改爲照兩國現管之地勘定乎最後吉爾斯乃允寫各派大臣秉公勘定不言根據崇厚所定之界矣第三端曰塔爾巴哈台界務查該界經明誼奎昌等分定有年迨崇厚來俄外部以分清哈薩克爲言於是議改考之輿圖已占去三百餘里矣臣每提及此事必抱舊界立論吉爾斯知臣必不肯照崇厚之議始允於崇厚明誼所定兩界之間酌中勘定專以分清哈薩克爲主所稱直綫自奎崙山至薩烏爾嶺者卽指崇厚所定之界而言也日後勘界大臣辦理得法或

不至多所侵佔以上界務三端臣與外部先後商改之實在情形也第四端曰嘉峪關通商允許俄商由西安漢中行走直達漢口之事總理衙門駁議以此條爲最重疊議商務者亦持此條爲最堅蓋以我之內地向無指定何處准西商減稅行走明文此端一開效尤踵至後患不可勝言外部窺臣著重在此許爲商改及詢以如何商改之處則云須各大端商定再行議及臣親詣布策寓所告以事關全局儻不見允則餘事盡屬空談詞意激切布策言於吉爾斯於是允將嘉峪關通商仿照天津辦理西安漢中兩路及漢口字樣均允刪去不提第五端曰松花江行船至伯都訥之事查松花江面直抵吉林愛琿城定立條約時誤指混同江爲松花江又無畫押之漢文可據致俄人歷年藉爲口實崇厚許以行船至伯都訥在俄廷猶以爲未能滿志也現將專條徑廢非特於崇厚新約尋其利直欲爲愛琿辯其誣臣初慮布策據情理以相爭無詞可對故擇語氣之和

平者立爲三策一徑廢專條二稍展行船之路於三姓以下酌定一處爲之限制三仍允至伯都訥但入境百里卽須納稅且不許輪船前往布策均不以爲然適奉電

旨責臣鬆勁於是抱定第一策立言務期廢此專條布策猶糾纏不已吉爾斯恐以細故傷大局不從其言遂允將專條廢去聲明愛琿舊約如何辦法再行商定第六端曰添設領事之事查領事之在西洋各國者專管商業其權遠在駐紮中國領事官之下故他國願設者主國概不禁阻臣此次欲將各城領事刪去外部各官均以爲怪遂將中國不便之處與之說明吉爾斯謂領事之設專爲便商起見係屬賓主兩益之事中國既有不便卽僅於烏魯木齊添設一員何如臣因其多方相讓礙難再爭而總理衙門電鈔編修許景澄摺內稱科布多烏里雅蘇台烏魯木齊三處毋設領事其次爭烏魯木齊烏里雅蘇台兩處等語臣乃復見布策懇其商改節畧內始將烏魯木齊改爲吐

魯番餘俟商務興旺時再議添設第七端曰天山南北路貿易納稅之事新疆地方遼濶兵燹之後彫敝益深道遠則轉運維艱費重則行銷益滯招商伊始必限以行走之路納稅之章商販實多未便閱總理衙門來電曾言收稅爲輕臣因將原約內均不納稅字樣改爲暫不納稅俟商務興旺再訂稅章查西例納稅之事本國可以自主日後商情果有起色卽伊犁等處亦不妨逐漸開徵以充國課以上商務四端臣與外部先後商改之實在情形也此外節略所敍則又有償款一端凡商改之事益於我則損於彼熱梅尼布策等本有以地易地之請臣稱約章事祇可議減不可議增彼遂謂中國各路徵兵顯欲構釁俄遣船備邊以相應耗費虛布一千二百萬圓向臣索償且言如謂未嘗交綏無索兵費之理則俄正欲一戰以補糜費等語臣答以勝負難知中國獲勝則俄國亦須償我兵費彼之言雖極恃強臣之意未爲稍屈旋接總理衙門覆電囑臣斟酌許之至

多不得逾二百萬兩又電言如無別項糾纏統計約五百萬兩
償款即可商定云云臣見吉爾斯熱梅尼等始則爭易兵費之
名繼則爭減代守伊犁償款之數久之熱梅尼謂遲一年收回
伊犁又加還帖克斯川以代守費論至少亦須加盧布四百萬
圓臣照會中但允加代守費盧布二百五十萬圓若併歸伊犁
西境猶可畧議增加吉爾斯不談西境僅稱連上年償款統算
非盧布一千萬圓不可臣嫌爲數過多吉爾斯笑曰俄國豈以
地出售者果爾則以帖克斯川論之豈僅值五百萬圓乎不過
改約多端俄國一無所得而子太不光彩假此以自慰耳臣察
其意甚決乃言熱梅尼所說僅四百萬何得又增百萬吉爾斯
無詞折辯故節略內仍以添償盧布四百萬圓定數查上年崇
厚所議兵費償款盧布五百萬圓合銀二百八十餘萬兩此次
俄國認出自華至英滙費則金鎊之價較賤合前後盧布九百
萬圓而統算之約計銀五百萬兩以內臣總觀界務商務償款

三端悉心計較與總理衙門來電囑辦之意大畧相同卽摘錄照會節略大意電請總理衙門代奏並與外部說明俟接奉電旨後再行畫押一面與布策先行商議法文條約章程底稿逐日爭辯細意推敲稍有齟齬則隨時徑赴外部詳細申說於和平商榷之中仍示以不肯苟且遷就之意且以有益於中國無損於俄人等語開誠布公而告之於崇厚原訂約章字句陸續有所增減如條約第三條刪去伊犁已入俄籍之民入華貿易游歷許照俄民利益一段第四條俄民在伊犁置有田地照舊管業聲明伊犁遷出之民不得援例且聲明俄民管業既在貿易圈外應照中國人民一體完納稅餉並於第七條伊犁西境安置遷民之處聲明係安置因入俄籍而棄田地之民以防遷民雖入俄籍而仍有佔據伊犁田土之弊第六條寫明所有前此各案以防別項需索第十條吐魯番非通商口岸而設領事暨第十三條張家口無領事而設行棧均聲明他處不得援以爲

例以杜效尤第十五條修約期限改五年爲十年章程第二條貨色包件下添註牲畜字樣其無執照商民照例懲辦改爲從嚴罰辦第八條車脚運夫繞越捷徑以避關卡查驗貨主不知情分別罰辦之下聲明海口通商及內地不得援以爲例凡此增減之文皆係微臣與布策商草法文約稿之時反覆力爭而得之者較之總理衙門三月十二日所寄廷臣奏定准駁之議雖不悉數相符然合條約章程計之則挽回之端似已十得七八此臣與吉爾斯布策等商量條約章程底稿於節畧七端之外又爭得防弊數端之實在情形也十二月十七日接准總理衙門電示奉

旨覽來電均悉該大臣握要力爭顧全大局深爲不負委任卽著照此定約畫押約章字句務須悉心斟酌勿稍疏忽餘依議欽此臣告知外部轉奏俄皇此邦君臣仰慕

仁皇同深欽感俄皇諭令外部允廢崇厚原定約章另立新約又

飭催布策速行繕約畫押臣因節略七端之外所爭諸條字句
尚未周妥日夜與布策晤談而筆削之直至光緒七年正月初
九日始將法文約章底稿議定又彼此商訂漢文俄文條約章
程各繕二分而將先訂之法文繕正二分以資考證逐條參酌
校對無訛於正月二十六日與外部尙書吉爾斯前駐京使臣
布策公同畫押蓋印訖電請總理衙門代奏仰慰

宸厪伏念臣以菲材膺此重任深懼措施失當上負

天恩幸蒙

皇太后

皇上指授機宜不責以強爭必行但責以羈縻勿絕更喜總理衙
門王大臣平心體察艱鉅周知遇事提撕遵循有自縱絮長較
短仍不免顧此失彼之虞而酌理準情尙不悖爭重讓輕之義
除抄錄臣與吉爾斯熱梅尼布策疊次問答節畧咨呈總理衙
門存查并將條約章程各一件專條一件派駐俄頭等參贊官

二品頂戴道員邵友廉齎回京師進呈

御覽請

旨飭下總理衙門覈議恭候

聖裁外謹將條約章程底稿先行抄錄咨呈總理衙門察核所有
與俄國外部改訂條約章程遵

旨蓋印畫押緣由理合繕摺馳陳伏乞

皇太后

皇上聖鑒謹奏

中俄改訂條約大清國

大皇帝大俄國大皇帝願將兩國邊界及通商等事於兩國有益
者商定妥協以固和好是以特派全權大臣會同商定大清國
欽差出使俄國全權大臣一等毅勇侯大理寺少卿曾紀澤大俄
國欽差參政大臣署理總管外部大臣薩那特爾部堂格爾斯
參議大臣出使中國全權大臣布策兩國全權大臣各將所奉

全權

諭旨互相校閱後議定條約如左第一款大俄國大皇帝允將一千八百七十一年卽同治十年俄兵代收伊犁地方交還大清國管屬其伊犁西邊按照此約第七條所定界址應歸俄國管屬第二款大清國

大皇帝允降

諭旨將伊犁擾亂時及平靖後該處居民所爲不是無分民教均免究治免追財產中國官員於交收伊犁以前遵照大清國

大皇帝恩旨出示曉諭伊犁居民第三款伊犁居民或願仍居原處爲中國民或願遷居俄國入俄國籍者均聽其便應於交收伊犁以前詢明其願遷居俄國者自交收伊犁之日起予一年限期遷居携帶財物中國官並不攔阻第四款俄國人在伊犁地方置有田地者交收伊犁後仍准照舊管業其伊犁居民交收伊犁之時入俄國籍者不得援此條之例俄國人田地咸

豐元年伊犁通商章程第十三條所定貿易圈以外者應照中國民人一體完納稅餉第五款兩國特派大臣一面交還伊犁一面接收伊犁並遵照約內關繫交收各事宜在伊犁城會齊辦理施行該大臣遵照督辦交收伊犁之陝甘總督與土爾吉斯坦總督商定次序開辦陝甘總督奉到大清國

大皇帝批准條約將通行之事派委妥員前往塔什干城知照土爾吉斯坦總督自該員到塔什干城之日起於三箇月內應將交收伊犁之事辦竣能於先期辦竣亦可第七款伊犁西邊地方應歸俄國管屬以便因入俄籍而棄田地之民在彼安置中國伊犁地方與俄國地方交界自別珍島山順霍爾果斯河至該河入伊犁河匯流處再過伊犁河往南至烏宗島山一作烏宗山廊里札特村一作東邊自此處往南順同治三年塔城界約所定

舊界

舊云此一段舊界係入年伊犁界約所本據俄果斯河以南順同治三年舊界而光緒八年所定之伊犁界約又

將格登山與去山並有 高宗純皇帝聖諭格登山之方碑且又混淆分水界點與日別生校部再南舊界沿南流之邊喇圖河為界今改邊沿在內之蘇木與河為界亦與同治三年舊界不合此約亦明順同治三年舊界而勘界者兩處均附屬

欽此約奉兩國

御筆批准後各將條約通行曉諭各處地方遵照將來換約處在森比德堡自畫押之日起以六箇月爲期兩國全權大臣議定此約備漢文俄文法文約本兩分畫押蓋印爲憑三國文字校對無訛遇有講論以法文爲證

謹案俄人此次訂約議及通商蓋以我國索還伊犁欲以此易彼也

夏五月

上命金順督辦接收伊犁及分界事宜升泰爲特派大臣秋升泰至伊犁

八年秋七月金順請

敕科布多幫辦大臣額爾慶額就近會同俄官詳細履勘薩烏爾奎峒山諸處照約畫分科布多參贊大臣清安疏陳俄占奎峒山諸處有失地利

上命就原圖應勘分處力與指辨酌定新界升泰馳赴科布多

九月十八日長順會同俄官斐德里一作德立勘分伊犁之約共建

立牌博三十三處格登山復歸於我是爲伊犁界約

勘定新疆記歸地篇長順勘分伊犁中段本年七月初馳會俄官佛哩德自伊犁西南天山北麓那林喀勒噶山口起至伊境東北喀拉達坂止沿邊履勘逐段建立界博已於九月中旬一律完竣惟距那林東北百餘里格登山有

高宗純皇帝乾隆二十年剿平準夷銘勳碑記深懼淪胥考核新圖未載山名檢查同治三年俄人輿圖此山已劃歸俄壤遂結營山下與俄官往復力商始允自特克斯河劃格登山一隅仍屬中土長約五六十里寬稍殺當卽會立界博復查新約第七條載烏宗島山距廓里札特村約五十餘里烏宗島東北爲錫伯營屯田水源俱在上游西南多係纏回圩子均有關繫俄官欲由烏宗島劃分與之反覆辯論卽由廓里札特村東杜拉圖

村西中間小山分界會立鄂博並由金順逐段安設卡倫派撥弁兵護守西北過伊犁河入霍爾果斯河悉遵總署頒行約圖逐一詳勘劃定自那林至哈拉達坂止共立牌博三十三長約千三百餘里將設立牌博地名數目及山川起止界綫形勢互換約記於是伊犁中段之界定

伊犁界約大清國

欽差勘分伊犁塔城所屬邊界頭品頂戴哈密幫辦大臣恩特赫恩巴圖魯長順會同大俄國欽差建立界牌大臣斜米哩葉勤柯克省^{阿古七}巡撫帶兵大臣吉納爾魯諾依什達布吉訥喇勒瑪玉爾佛哩德於中國光緒八年七月初三日卽俄國一千八百八十二年阿瓦古斯塔月^{俄八}初四日兩國分界大臣在伊犁西南天山之陰那林哈勒噶地方按照圖約商定另繪輿圖分別畫出紅綫查其交界地名自伊犁西南至俄國交界地方應立界牌鄂博兩國大臣會同自伊犁西南那林哈勒噶起至伊犁

東北喀爾達坂

即喀爾達坂

止已將界牌鄂博立完是以兩國分界大

臣互相擬出條約以昭信守並將所立界牌鄂博數目起止地

方及議定之條開列於後

條云此本光緒七年改定條約之伊爾庫次之約七年約文開列以山口之南順新河經過伊爾庫次之約七年約文開列

改定界自此以南開官順治三年舊界也又其北轉東離未開官仍順舊界但既無改界之語則亦仍順舊界可知乃此約於界里札特以南七年改定條約不期因治三年舊界將舊界分水之格登山嶺界係屬格登或伊爾庫山乾陵二十

五年舊定山頂界線 謝神者也再南本以清國河為界此約又改為以蘇木河為界俱與七年約不合又北邊等爾清坂亦非舊界自以喀爾達坂為界而格登山嶺亦非舊界外一帶平地不能設為界有於是光緒九年之約非但照平地之

半餘里且有舊地十年之一處按第一條自伊犁西南天山之陰那林哈勒噶

一作山口山口中起至伊犁東北喀爾達坂止此間共立界牌鄂博

三十三處兩國分界大臣會同在那林哈勒噶山口中建立第

一處界牌鄂博因山中之水往北流以水東邊為中國地以水

西邊為俄國地從此出山口往東北順水建立第二處界牌鄂

博又往東北順水至草野建立第三處界牌鄂博從此往北行

至草野建立第四處界牌鄂博從此往北行至諾海托勒蓋山

在山之上建立第五處界牌鄂博從此往北行至特克斯河

條云

河之南沿建立第六處界牌鄂博自那林哈勒噶山口中至特

克斯河之南沿共立界牌鄂博六處以界牌鄂博之東邊爲中

國地西邊爲俄國地從此過特克斯河順河沿往東北行至格

登山口中所出蘇木拜

蘇木拜
河火六

水流入特克斯河之地方以特克

斯河之南沿爲中國地北沿爲俄國地自蘇木拜水流入地方

逆流往北行至格登山口中蘇木拜地方建立第七處界牌鄂

博山中所出之水往南流入特克斯河以水之東沿爲中國地

西沿爲俄國地從此東北行至沙爾套山之西南斷處建立第

八處界牌鄂博

鄂博
雲云自第八
鄂博以北
鄂博之北
鄂博之北

從此往東北行至沙爾套山梁爲

交界以山之東南爲中國地以山之西北爲俄國地順沙爾套

山梁往東北行至山斷處地名康喀其水往東南而流在水之

西沿山斷處建立第九處界牌鄂博在東沿建立第十處界牌

鄂博以界牌鄂博之東南山水爲中國地西北爲俄國地從此

往東北順山梁行至喀爾套山之達巴罕建立第十一處界牌

鄂博自第十處界牌鄂博至第十一處界牌鄂博止以山之東

南爲中國地西北爲俄國地從此往西北順山梁行至山高處
建立第十二處界牌鄂博從此往西北順山梁行至山高處建
立第十三處界牌鄂博從此往西北順山梁行至山高處建立第
十四處界牌鄂博從此往西北順山梁行至山高處建立第
十五處界牌鄂博從此往西北行至沙爾諾海小山之橫路北
邊山上建立第十六處界牌鄂博自喀爾套山之達巴罕至沙
爾諾海小山共立界牌鄂博六處以界牌鄂博之東邊爲中國
地西邊爲俄國地從此往北走過沙爾諾海大山之達巴罕行
至山陰往東北略行卽在沙爾諾海別德國二水中間之小山
斷處建立第十七處界牌鄂博以小山之東邊由沙爾諾海山
谷流出之水入於橫海之處爲中國地以小山之西邊別德國
水爲俄國地從此往西北行至噶爾札特村

一作噶爾札特村
七年後約之界牌

之東

邊瑪雅村之西邊兩村中間在特奇勒干小山建立第十八處
界牌鄂博從此往西北行至伊犁河南沿霍爾果斯河水流入

之處此間草野之地建立第十九第二十第二十一第二十二第二十三第二十四第二十五等處界牌鄂博自沙爾諾海山之北邊建立第十七處界牌鄂博至伊犁河南沿建立第二十五處界牌鄂博止共立界牌鄂博九處以界牌鄂博之東邊爲中國地西邊爲俄國地從此過伊犁河自北沿往霍爾果斯河逆流往北行入霍爾果斯河之山口至河源又往北行至別珍套山又往西灣至康喀達巴罕建立第二十六處界牌鄂博此間以河及河源爲交界以霍爾果斯河之東邊爲中國地西邊爲俄國地從此往西行又往西北行順別珍套山梁自崆郭羅鄂博往西北行至庫克烏蘇山建立第二十七處界牌鄂博從此往西行至庫克烏蘇山之平高德木克達坂上建立第二十八處界牌鄂博止自第二十六處界牌鄂博至第二十八處界牌鄂博止以界牌鄂博之東邊北邊爲中國地西邊南邊爲俄國地從此往東路北行靠阿拉套山之達巴罕至薩爾坎斯克

一作向 山中巴散斯克

一作巴

山中庫克托木

切 索達坂喀爾達坂

等處建立第二十九第三十第三十一第三十二第三十三界牌鄂博共立界牌鄂博五處以阿拉套山之達巴罕爲交界以山之東南爲中國地以山之西北爲俄國地第二條霍爾果斯河源流出之水在霍爾果斯河之東西兩沿居住民人等願將河水灌地者准其灌地卽作兩國公水彼此不准爭競以資各民得其地利至霍爾果斯河中有洲之處卽作兩國公地兩國人民不准在洲蓋房種地將此載入條約永遠爲例第三條自今日分地之後限三年每至六月會同將所立界牌鄂博查點一次兩國各派能幹之官二員隨帶兵丁一起自那林哈勒噶起查至伊犁河南沿止一起自別珍套山起查至喀爾達坂止查其所立界牌鄂博如有損壞之處仍照舊章妥爲修補將此載入條約兩國永照此章辦理是以兩國建立界牌鄂博大臣會同繪圖所擬條約中蓋用印信並畫押將條約各四分與圖

各一分彼此相換各爲憑據以昭信守大清國分界大臣長順
大俄國分界大臣佛哩德中國光緒八年九月十八日俄國一
千八百八十二年敖克佳巴爾月^曆十六日

錢恂界語界綫既上喀拉達坂向西不遠又經一喀拉達坂
再西經賽里克山口絕部爾里河而過至阿里鄂板凡綫南
屬中國綫北屬俄國界綫稍北又折而西歷庫克托木^巴
散斯克^句薩爾坎斯克^句德木克^句庫克烏蘇各山口凡嶺
南水流向南向東之地屬中國嶺北水流向北向西之地屬
俄國界綫折向東順別珍套山梁至喀喇模斯山口稍南卽
順霍爾果斯河爲界直至伊犁河北岸凡霍河東岸之地屬
中國西岸之地屬俄國界綫絕伊犁河而過斜向東南出噶
爾札特村之東瑪雅村之西再西而南絕喀三尼小河而過
向西至模蘇墨勃廢卡凡綫東之地屬中國綫西之地屬俄
國界綫自廢卡順蘇木拜河而下河之東岸屬中國西岸屬

俄國界綫至蘇木拜河入特克斯河處卽順特克斯河而西

凡河之南岸屬中國北岸屬俄國過穆呼爾穆敦河在南岸再過

一水口

亦在南岸界綫名川穆敦特河

又見一水

亦在南岸未知其名

界綫離特克斯河折而南

又溯那林哈勒噶爾河爲界凡河之東岸屬中國西岸屬俄

國界綫再南微東卽至那林哈勒噶山口此本光緒八年伊

犂約

鄒代鈞約說界自喀拉達坂西偏南十二度三百里爲巴斯

堪山口卽巴散斯克界又西偏南二十度三十分迤六十里

爲薩爾堪山口卽薩爾坎界又南偏西四十一度迤二十四

里爲德木克達坂界又轉而東偏南二十六度三十分迤十

四里爲庫克烏蘇界又南偏東三十二度三十分迤二十里

爲別珍套山西陲卽同治三年約所言之薩爾巴克圖河

即庫克

庫克鄂羅木河

即庫克烏蘇河又作巴圖魯

奎屯河

即烏蘇河

三水發源之匡果羅鄂

博山也自匡果羅鄂博山向來偏北十五度三十分迤四十

八里爲別珍套山口轉而南偏東八度迤三十二里抵霍爾
果斯河界復順霍爾果斯河南偏東十度三十分迤一百又
四里爲霍爾果斯卡倫卡倫在河界又南偏東十九度迤八十六
里爲霍爾果斯河入伊犁河之口界又渡伊犁河南偏東二
十五度迤八十五里爲瑪咱爾界又南偏西三十一度迤四
十里爲沙爾諾海界界又東偏南四十一度迤四十二里爲
哈升河入界處界又西偏南三十度迤六十里抵蘇木拜河
界又順蘇木拜河南偏東四十一度迤四十里爲蘇木拜河
入特克斯河之口界又泝洄特克斯河而上與舊界接界又
自達喇圖河入特克斯河之口即新舊界相交接處南偏西三十五度迤三
十二里抵納林廓勒水界又泝水南偏東三十二度迤十八
里爲納林廓勒水源自喀爾達坂至納林廓勒一段爲光緒
八年伊犁所定之界

謹案會紀澤履陳索倫四旗事宜疏云臣於光緒八年八月

初五日承准軍機大臣字寄光緒八年六月初四日奉

上諭金順等奏索倫營右翼四旗地方請飭曾紀澤與俄國商議
畫還一摺據稱索倫營右翼四旗舊制分設霍爾果斯河之
西新定約章歸入俄界現據總管諾敏吉爾噶勒等懇懇將
該四處地方收回俾官兵不致失所等語伊犁分定界址前
經該京卿與俄人再三集議苦心區畫始克議定約章此時
欲圖改易誠恐辦理爲難惟據索倫營總管所稱各節該處
官兵欲歸不得且恐被回民平毀墳墓實屬可憫究竟已定
之界稍爲變通能否設法商辦之處著卽詳細酌議具奏臣
查西洋各國遇有改定疆界則兵民呼籲之事亦屬層見疊
出要在分界官彼此婉商妥爲撫慰以安集之而不便重提
約章再興辯論此案索倫營右翼四旗官兵分設霍爾果斯
河西之策吉齊齊罕薩瑪爾岡爾根等處其地劃歸俄境該
官兵等既慮無處居住又恐所葬墳墓被漢回纏回任意平

毀據總管諾敏吉爾噶勒等所陳情形誠爲可憫惟中俄約章經臣隨同總理衙門王大臣仰秉

宸模竭力屢爭久而後定縱使其中有未盡愜心貴當之處亦屬事勢所迫無可如何刻下既已互換頒行卽宜彼此堅守不生異議至商議畫還索倫營右翼四旗之地無論由總理衙門商之駐京公使或由臣商之俄國外部均屬跡近改約俄人勢必不允徒使通融商改之端自我而開似於大體有礙若由邊界大臣於分界之時就近婉商俄官能以他處幅員無多之隙地或以他項之補償換回四旗之地則自以收地爲佳如地界必不可收猶可商及將該四旗官兵遷歸伊犁境內另行安插而與俄官約定章程設法保全兵民墳墓如此由分界官立言卽使俄人不受商量尙不致牽涉已換之約章致俄廷之譏議據臣懸揣伊犁遷出改入俄籍之民亦當有墳墓留存伊犁等處倘有分界大臣商之俄官設立互

保墳墓章程俄人當亦不至全不允也案此事於分界之時

雖經議及終照原約定界所爭回者惟格登山一片石耳

十月二十七日巴里坤領隊大臣沙克都林札布會同俄官斐克

托爾米德恩斯克依立訂勘分阿克蘇屬天山之約凡建立牌博

二處指山梁爲界者三處是爲南路東北界約

通電沙大臣勘界日即會同俄官勘界始於七月初八日至九月二十一

以議停界務其機約則在十月二十七日也

南路東北界約大清國

欽差勘分南路界務巴里坤領隊大臣頭品頂戴乾清門頭等侍

衛記名副都統世襲騎都尉加一雲騎尉庫楚特依巴圖魯沙

克都林札布大俄國欽差勘分界務建立牌博總統斐勒奈省

固必爾納土爾幫辦大臣辦理斐勒奈省事務衙門之爲首吉

訥喇勒 瑪玉爾 斐克托爾米德恩斯克依

東錢本作俄國特領分界大臣

界大臣頭品頂戴乾清門侍衛庫楚特依巴里坤領隊大臣沙克都林札布並俄國特領分界大臣

欽命云此與下約均係官衙名在駐華官衙名在俄國出領官沙大臣又未請商例並未見此本也

於一千八百

八十一年斐巴喇里月俄三十二二十四等日遵照中俄兩國在

京城所定條約步據本作道一千八百八十一年二月十二日在彼得地議定條約明文錄後云云勘分中國所屬喀什

噶爾天山西北地方俄國地方之界址已自那林哈勒哈按本條約又

河口起至別疊里達巴罕按本作別疊里止所有勘分界址建

立牌博事宜於本年辦結是以繕寫約記今將互相建立牌博

之地名並議定建立牌博之章程開列於後按云此本光緒七年改定之約規定之界約也此段交界處未定有確地

此大南第一條兩國大臣遵

旨會同勘分界址自那林哈勒哈河起踰穆札爾塔達巴罕按本作木

向西順天山中梁罕騰格里按本作統統格理山頂行至薩瓦巴

齊按本作齊天齊山其喀依車切庫庫爾圖克各達巴罕人不能過

均指天山之中梁為界兩國大臣同至別疊里達巴罕因別疊

里達巴罕之南而峻險由達巴罕行走路之兩邊相距二十二

丈五尺之處中俄兩國建立牌博所有天山之斷處向西北流

出天山之河水按照紅色綫道以天山西北為俄國地以天山

東南中國地既已議定將原記地方毋得更改所有兩國大臣

行過中國之博斯塔克

按本作柏新塔格

山薩瓦巴齊口此口有卡倫其庫

木阿喇克

按本作庫木阿當克

河即與國所謂札納爾塔

按本作札那爾特

河是也自此經

楚拉克特

按本作楚拉克特格沙圖之楚拉克特克

布庫魯克

按本作庫克魯克庫庫之庫庫爾托克

博郭斯

按本作古什喀

西克賴

按本作喀什噶爾

烏魯齊里雅克

按本作烏魯齊里雅克庫齊噶爾塔

按本作庫齊噶爾塔

珍旦

按本作沙圖之珍旦

札特克勒克

按本作札特克勒克

貢古魯

按本作貢古魯

等各山口轉而至天山

太峻險人不能過即指天

山之中梁為界

按以上天山山梁本作界

第二條大清國

欽差勘分界務領隊大臣沙克都林札布會同大俄國欽差勘分

界務吉納喇勒馬玉爾斐克托爾米德恩斯克依自那林哈勒

哈河口起至別疊里達巴罕止迤東之山峻險人不能過難以

建立牌博惟在別疊里達巴罕建立牌博靠此山之西北為俄

國地東南為中國地現在中俄兩國業經互相建立牌博應將

山河地名繪圖作記為憑第三條自大清國光緒八年五月初

五日即俄國一千八百八十二年伊雲月

按六月初

初一日起扣足三

百六十六日由兩國各派妥員帶兵往查別疊里達巴罕之新立牌博每年照此查辦其新立牌博如有損壞之處所派官員仍照舊式各自補修第四條現在山嶺落雪天氣已冷擬將界務完竣兩國大臣議定將分定界址地方繕寫約記用清字俄字各寫四分兩國分界大臣用印畫押並各繪輿圖所有靠紅色線道分定界限地名亦用清字俄字合璧註寫用印畫押嗣後兩國分界大臣自大清國光緒八年十月二十七日即俄國一千八百八十二年諾雅必哩月俄十一月二十五日起扣足一百九十日兩國分界大臣至科克沙勒俄本作烏山山之齊恰爾俄本作牙爾斯達巴罕南面阿克賽河自此分界今兩國分界大臣將約記互換各將輿圖一分約記四分收存備查爲此在喀什噶爾城互換約記永昭信守

沙大臣勘界日記光緒八年八月廿三日至貢古魯克克山頂又名庫庫爾圖東西橫瓦山脊有舊鄂博二右邊鄂博下有舊

穴因將勘分烏什界銅牌填入封固於西南三四步又新建一
博遂倚角而三矣三十日至罕騰格里山脚仰視山頂欲登無
路因與俄使商議照約指山爲界直從天山中梁劃分九月初
五日抵璦丹_即又至英阿拉特均同罕騰格里之險亦指山爲
界初十日至別疊里山頂有安夷廢卡卽中俄交界處埋立界
牌大書滿漢文三十三字牌左峭石下暗埋烏什界銅牌一方
俄使就牌東數武亦立鄂博二十一日大雪封山中俄兩國議
停界務十月初六日至喀什噶爾城初七至二十六等日會同
張幫辦與俄官籌商邊界至二十七日仍定由天山中梁劃分
當卽互換約文地圖彼此執存約定光緒九年五月初五日會
於奇恰爾達坂續勘未分之界

二十七日夜喀什噶爾風接此
約係俄國約略即故紀年未觀

續定此段係立界牌二處查係界標之約不繼年月經本作
降生一千八百八十二年十一月二十五日即光緒八年十月

勘定新疆記歸地篇巴里坤領隊大臣沙克都林札布勘分南
段俄人必欲以薩瓦巴齊爲界薩瓦巴齊在天山之陽距山梁

尙遠俄人設卡據守毫無隔閡華民舉步有越境之嫌與俄官
咩登斯格詳指形勢再三辯論自拉林哈勒哈河勘起過穆匝
爾特達坂迤西罕騰格爾頂上接薩瓦巴齊至喀伊車庫庫爾
圖克爲界中間各達坂險峻難登未建牌博均指天山中梁爲
界及勘至別疊里達坂卽於南面陡崖兩邊相距廿二丈五尺
建立牌博西北屬俄東南屬中復從別疊里山逐段履勘行抵
烏什之烏奇寒氣逼人俄官堅請停勘約十月初齊赴喀什噶
爾面商幫辦軍務張曜與俄官互換文約議定明年五月再行
會勘南界薩瓦巴齊一段幸力與爭辨得指定天山中梁劃分
不失屏障經金順緒奏明當劃分時督辦軍務劉錦棠深慮
俄人侵占險要奏言伊犁通南捷徑有四一自那喇特卡倫經
珠勒土斯察罕通格兩山以達喀喇沙爾一由穆素爾達巴罕
渡特克斯河踰冰嶺以達阿克蘇之札木台一出伊克哈布哈
克卡越貢古魯克達巴罕以達烏什一出鄂爾果珠勒卡倫踰

善塔斯巴爾琿兩山渡納林河以達喀什噶爾然阿克蘇冰嶺
台路艱阻萬狀夏月冰渙四山坼裂溢流峭壁森立莫能飛渡
亂後台站盡替現存阿屬七台照舊安設其喀喇沙爾一路曠
廢已屆百年陵谷變遷道路通塞水草有無均難懸揣疊經行
察鮮據昨已函致金順請將山北情形確實查覆再議疏通其
納林達道早非我有自可毋庸議及獨烏什貢古魯克一路地
界八城之中爲南北相通第一津要遠在界緣東南新舊條約
皇朝輿地圖志班班可考也按塔城舊約所載伊犁南界過那林
哈勒噶由特穆爾圖淖爾南之罕騰格爾薩瓦巴齊貢古魯克
喀克善等山統曰天山之頂行至葱嶺倚浩罕爲界是那林迤
南約載之貢古魯克明與罕騰格爾諸山連類而及且申言天
山之頂其確指貢古魯克山頂爲言非指烏什之貢古魯克山
麓爲言義至明也本年八月中旬沙克都林札布帶同俄使自
阿克蘇行抵烏什由貢古魯克雅滿素各卡倫繞貢古魯克山

麓至別疊里達坂共立界牌二處俄使各埋銅牌一面所過山
峽卡隘城堡逐一繪圖并將烏什城垣丈量規計繞出布魯特
牧場周迴游歷延展四十餘日至九月杪始出烏境十月初沙
克都林札布同俄使咩登斯格行抵喀什噶爾詢知阿烏邊界
從罕騰格里至別疊里山已立牌博其奇恰爾達坂迤西現已
積雪難行擬俟來年五月再行勘辦并鈔寄喀什噶爾互換界
約逐細覈閱如第一條由那林哈勒噶河起過穆匝爾特達坂
嚮西罕騰格爾頂上接薩瓦巴齊又從薩瓦巴齊山口卡子以
至貢古魯克山口繞至天山均因達坂高險人難越過通指天
山中梁爲界東南屬中西北屬俄凡天山斷處屬西北流河水
不許改截源流尙與塔城舊約相符似俄使亦知約不可背者
何以貢古魯克山口至別疊里之達坂路兩邊相距二十二丈
五尺又復埋立中俄兩國牌博耶所稱別疊里卽畢底爾向西
北流河水當卽阿克蘇上流之畢底爾河山口達坂路當卽烏

什出貢古魯克卡以達伊犁之路也今所換界約凡貢古魯克
以上各山通指天山中梁爲界乃復於貢古魯克山口及別疊
里之達坂路相距二十二丈五尺埋立中俄兩國界牌侵占鄂
博至畢底爾河源且將烏什城垣丈量就其約章按其舉動實
屬支離刺謬自相矛盾居心叵測已可概見矣今不言後將髮
指此次會勘新界爲定界乃於俄界外中界內駐兵設卡任意
作難忍之則有積薪厝火之憂發之則有投鼠忌器之慮如北
路哈巴河故事其明證也若貢古魯克至別疊里山南達坂路
所立俄界兩處不趁劃分未定按約索還則現隸烏什之奇里
克胡什齊兩布魯特部落勢必自撤藩籬終歸俄有而貢古魯
克通伊犁捷徑非我所能問津南北隔絕卽入城東西亦多梗
阻伊犁勢成孤注雖得特克斯猶之未得矣微論有事而徵兵
饋餉窒礙不行卽平時文報往來必須繞越請

飭總理衙門向俄國駐京公使據理案約與之辨論所有伊犁南

界應照此次中界所定格登山紅綫循格根河順喀什噶爾西邊行至葱嶺倚浩罕界爲界中間應行勘分處支節繁多務須責成分界大臣恪遵

諭旨力與指辨酌定新界勿稍遷就然後由烏什貢古魯克出卡以達伊犁之路足可索還不致別生梗阻所立貢古魯克及別疊里達坂路兩處界牌應一律拔除凡新約越佔處悉予更正并懇

諭令曾紀澤與俄國原派大臣原始要終以重邦交而清邊界必兩昭明信而後已九年春正月

上添派長順會同沙克都林札布查照錦棠所奏妥慎辦理長順旋奏稱貢古魯克山口及別疊里達坂如果侵佔至畢底爾河源致南北隔絕就新定圖約力與指辨應可據理索還但界博已立界約已換俄人素性狡黠若未奉該國重勘文明必藉詞推諉懇

飭總理衙門先向俄國駐京公使辨論明晰並請

諭令曾紀澤與俄國外部大臣反覆詳說切指此處界牌誤立使轉飭分界俄官照約更正似覺較易春三月

上諭長順前勘中段地界頗合機宜現在南段界牌雖立尙未定局一切情形與長順沙克都林札布詳細籌商妥爲辦理至曾紀澤所定界綫本自分明全在分界大臣於履勘時據約力爭以期設法挽回毋得意存諉卸劉錦棠金順如有所見亦著隨時知照長順等斟酌妥辦五月初長順行抵烏什察閱沙克都林札布咨送勘分界圖與總署原頒圖約及烏什局員周應葵所呈圖說均與紅綫相符旋與原立界牌委員分道複勘尙無錯誤復奏劉錦棠原奏別疊里卽畢底爾山口達坂路當卽烏什之貢古魯克卡由於圖載地名互異語言不同以致誤會至貢古魯克可達伊犁之路懸崖峭壁險阻異常承平時偶有土人行走亂後路爲賊毀人迹罕到卽歸我有無裨大局矧在天

山之陰紅綫之外彼族謠詐安肯聽從按新疆形勢僅冰嶺一路可通南北往來梗阻堪虞且密邇俄境終難進退自如欲求大局全歸版圖必須循格根河由喀喇庫勒順納林大道至喀什噶爾方無隔閡但兩次所載條約均須更換揆諸時勢終非易易則貢古魯克界外屬俄之路似不必遽起爭端徒失和議沙克都林札布與俄使咩登斯格辦理妥協不若仍由一手經理以免紛歧再查喀喇沙爾由草達坂珠勒土斯山直達伊犁路可行車前此俄人設卡防守原屬伊犁腹地居南北之中亟應疏通以期便捷現派員確察情形令巡稟劉錦棠等酌商辦理得

旨允行

錢恂界語界綫自那林哈勒噶山口起順天山之巔至木雜爾特山口凡東南山坡之地屬中國西北山坡之地屬俄國過木雜爾特山口再西界綫不順天山正脊稍折而南又西

會正脊於柏斯塔格山口再西繞庫木阿雷克河作圖作札而過

稍西經喀伊車山口此山口中國一面有路俄國一面無路庫庫爾圖克山口此山口亦中國一面有路俄國一面無路

再西而至別牒里山口此山口兩面皆有路凡東南山坡之地屬中國西北

山坡之地屬俄國此本光緒八年喀什噶爾界約此界自木

雜爾特山口至柏斯塔格山口一段不順天山正脊而向南

作弧綫爲界於是分水界淆而阿克蘇河源此列一遂割入俄

境俄氏界圖於阿克蘇河源繪在中國界內

鄒代鈞約說界自納林廓勒水源納林廓勒水係兩俄人等挖開水又北側東流入特克斯河入庫在達喇圖山口南面卽

上汗騰格里山南偏東二十九度迤五十里爲汗騰格里山

巔譯言騰格里天也汗王也卽天山王也水道記謂汗騰格

里山爲天山主峰界約所謂極高之杭杭廷格里山也西接

善塔斯嶺即維多利亞東接那喇特嶺山巔之西偏南十度四十五

里有納林廓勒山口爲界外往來天山南北之路山巔之東

偏北一度三十分迤六十里有木咱喇特山口爲界內往來

天山南北之路皆要隘也界又自汗騰格里山巔順支阜而
下南偏西三十六度迤八十二里又轉而南偏東四度迤三
十里又轉而西偏南三十六度迤八十里爲阿克蘇河入界
處阿克蘇河卽湯那哈克河界又西偏南十一度迤八十里
爲札那爾特河入界處界又西偏南三十四度迤二十八里
爲喀什車山口喀什車回語剪刀也蓋狀山之峻削界又西
偏南二十五度迤三十八里爲貢古魯克山口界又西偏南
二十五度迤四十里爲別牒里山口畢底爾河發源也別牒
里畢底爾譯音之異實一名耳自納林廊勒至別牒里一段
爲光緒八年喀什噶爾所定之界

新疆圖志卷七

國界三

九年升泰至科布多與清安額爾慶額會商金順辦理升泰查悉山川形勢力與俄官巴布淵富指辨乃改訂新界奎峒山復歸於我是爲哈巴河界約

戡定新疆記分界篇光緒七年夏五月

上諭接收伊犁分界事宜俄國派有大員約定何處交收卽著錫綸馳往會晤并著升泰一同前往按照曾紀澤新訂條約及所繪界圖妥慎辦理錫綸旋奏准不赴

詔金順督辦升泰爲特派大臣八年秋七月金順請敕科布多幫辦大臣額爾慶額就近會同俄官將西北邊界薩烏爾嶺奎峒山等處詳細履勘照約畫分以昭妥協科布多參贊大臣清安旋會奏科境游牧沃壤前已分讓俄人十分之六蒙民僅存烏梁海所屬哈巴河阿勒泰山一帶就牧營生復有哈薩克人衆

擁擠生計日蹙若將哈巴河再行分割則蒙哈部落必至無可容身蒙民現聞勘改之議人心驚惶不肯遷讓查新約並無科城名目且前定之界已建牌博豈宜另有勘改金順寄到地圖所繪奎峒山黑伊爾特什河薩烏爾嶺等處與新舊圖說核對不符其名曰奎峒山者或係科屬阿勒泰山此山綿亙數千里科塔兩城倚爲屏障俄人巧爲含混意圖據高臨下扼我要區名曰黑伊爾特什河者或係科屬額爾吉斯河此河順流而下逕逼俄境彼若佔據以通運道最爲便捷一有緩急兵可衝波而至名曰薩烏爾嶺者或係塔屬霍博克賽里山此山爲塔城門戶與科界唇齒相依若分割歸俄不惟科塔隔絕必有覬覦瑪納斯古城之勢彼若聯絡吐魯番與南八城首尾相應卽伊犁烏魯木齊東路亦斷矣况哈巴河及布隆托海分屬俄界彼必就地開墾屯兵屯糧無往不利假使修鐵路以駕火車潛水道而行舟楫四通八達任其縱橫則俄勢愈不可遏竊恐地利

一失後患無窮請

敕下廷臣妥議得

旨該處界務崇厚貽誤於前曾紀澤力爭於後既定新約祇可就原圖應勘分處力與指辨酌定新界至圖中黃綫以西蒙民哈夷約有若干應如何擇地安插籌款撫恤并著清安額爾慶額會商金順升泰悉心妥籌具奏惟分界期迫一時恐難就緒應由金順升泰知照俄官量議推展並由總理衙門知照曾紀澤轉咨辦理總署旋接曾紀澤覆稱俄於塔界力求妥速倘因緩分別生枝節似屬未便且勢難再改緩辦無益可否九十月另擇一期請

旨飭辦恭親王等奏此次劃界約分三段西北科塔爲一段伊犁爲一段迤南直至喀什噶爾爲一段定約時伊犁一段爭論最久故界址釐然按圖可稽喀什噶爾一段言明以兩國現有之地勘分亦尙直截惟科塔一段約內聲明應自奎峯山過黑伊

爾特什河至薩烏爾嶺畫一直綫由分界大臣就此直綫於舊界間酌定新界是此段界址顯有出入之處履勘議分關係非淺請

敕分界大臣迅速履勘酌中定議

上令升泰馳赴科布多與清安額爾慶額會商金順辦理並將蒙民哈薩克等妥爲安插毋任滋事清安額爾慶額派協領貴詳等馳至烏梁海開導蒙民人心稍定清安等隨傳左右兩翼散秩大臣及哈薩克各頭目詢明黃綫以西蒙民男婦約計七千餘名哈民向隸塔城現居科界者約計二萬餘人均在烏梁海西北境內游牧散居懇求收撫清安念彼族甚蕃本非科轄既不歸塔科必有以撫之否則終歸於俄恐遺邊患奏請先將東面蒙哈游牧地段節次騰移始能均勻安插倘狹隘不敷棲止容再設法辦理得

旨允行惟科塔之界原繪圖綫出入甚大升泰等前乘俄使未到

將山川形勢預爲查明旋與額爾慶額面晤俄官巴布闊福撤
斐索富等悉心商酌俄人欲照圖中直綫以哈巴河劃界升泰
等力爲指辯相持十餘日無成議嗣將原約第八條內載同治
三年科塔界約所定齊桑湖東界查有不妥之處應由兩國特
派大臣會同勘改兩國所屬哈薩克並須分別清楚至分界辦
法應自奎峯山過黑伊爾特什河至薩烏爾嶺劃一直綫就舊
界間酌定新界等語細譯理論俄使始允退離哈巴河迤西約
八十餘里至畢里克河定界畢里克係小河原圖並未繪列若
照此劃分則俄佔哈巴河上游約二百餘里我僅三分之一道
里遠近仍失其平卽與原約背復商就俄國按西洋算法計之
由舊界至哈巴河直綫止共二百八十餘里折中議分以昭公
允相持久之至七月初復允退出五十里議定以阿拉喀別克
河爲界距哈巴河至直綫共百三十餘里卽原圖黃綫旁所開
小河也餘仿此酌依黃綫所指方位劃分或依山或傍水就形

勢爲新界其有礙道路及水源不便處商准公用不得截阻並與俄使撤斐索富照圖丈量與奎崙西至新界計離百四十餘里又由新界北首起順至西南薩烏爾嶺穆斯島冰山共長五百八十餘里均核與圖繞相符升泰遂於七月中旬起程過額爾濟斯河南勘分塔界額爾慶額亦徑赴科屬新界會同俄官撤斐索富由阿拉克別克河口之喀拉素畢業格庫瑪小山梁上立牌博一處北至喀拉圖柏山梁名阿克塔斯立牌博一處東至克森阿什齊山梁立牌博一處東北至塔木塔克薩斯立牌博一處遇有河渠河心爲界或山嶺叢雜道路分歧商同俄官丈量覈計里數於適中地循照新定綫道劃分將地名逐細詳註以杜越佔與原定圖約黃綫部位大致相符其豎立牌博處兼埋暗記今久遠有考復同俄官書立科界條約鈐印互換以昭信守惟阿克哈巴河源乃此次新定界尾與舊界烏魯魯卡倫接壤新約註明河源爲界豎牌博埋暗記均派兵駐守旋

便道察看舊界牌博細勘奎峒山地據形勝與阿勒泰山腹背相連爲中外關鍵力與指辯得移至阿克哈巴河源爲界奎峒山仍歸中土扼其險要俄官繼斐索富旋折回額爾濟斯河南會同升泰勘分塔界原約第八條內有將兩國所屬哈薩克分別清楚一節前議新約時俄使初言人隨地轉繼議新界內外哈民各以氈房四百頂定其去留不得逾數升泰答以歸中歸俄祇隨民志俄使乃改議其原住新定界外哈民予限一年由兩國邊界官自行安插嗣於俄官勘分新界卽傳諭各哈目願歸俄者並不留難願歸中者擇地安插哈目堆森伯特噶子圖列願具結歸中指示哈民以奎峒山左右及哈巴河源畢里子克河源等處爲夏季游牧以阿拉克別克河東及畢里子克河哈巴河阿拉克台等處爲冬季游牧並飭卡倫使衛富保妥爲照料旋繞北山出大彥淖爾酌量安插烏梁海兩翼蒙部以和里木圖河雅瑪圖約洛圖西里不拉克爲夏季游牧以罕達蓋

圖河塔里雅慶格里河烏隆古河爲冬季游牧哈目章噶爾吉勒哈什克伯什等各蘇木以奎峒山東之忽木斯山松達拉克哈納斯淖爾等處爲夏季游牧以大彥淖爾薩克賽河德里滾河等處爲冬季游牧均毋撓越以啟爭端哈密幫辦大臣長順派勘中段分至哈布塔蓋阿魯沁達蘭而止塔城西南阿魯沁達蘭一段未分金順函囑升泰將科界勘畢先知照俄官斐里德勘定此界時升泰勘辦科屬哈巴河阿勒泰山奎峒山等處前進卽布隆托海霍博克賽里爲塔屬東北界直達塔城乃順道前往會同俄使派員嚮導一律劃清於是西北科塔之界定哈巴河界約大清國

特派分界大臣內閣學士兼禮部侍郎銜伊犁參贊大臣升泰

欽命科布多幫辦大臣副都統銜法福靈阿巴圖魯額爾慶額大

俄國欽差分界全權大臣總統烏木斯克

俄本作圖木斯克

等省軍務大臣

吉訥喇勒呢什塔布吉訥喇勒累特那特坎瓦列爾伊旺巴布

闊富本傳已烏本斯克省總理衙門差派大臣本傳管理喀木斯克省軍務各門使臣吉訥喇

勒呢什塔布頗勒科瓦呢克坎瓦列爾米哈雅撒斐索富本傳

等各奉

諭旨按照俄國一千八百八十一年在皮特爾布爾格京都本傳云列一

議定條約俄云即光緒七年出使大臣曾紀澤所定之約也今此約稿本必出俄族之手故但把西年而不把中華凡俄約稿本出於俄族者十之九第八九條所

載俄云約文第八條實係改竄俄國一片界址第九條實係改竄喀什噶爾一帶界址分二事此舉引第九條者大誤也前於同治三年九月初七日

即俄國一千八百六十四年怎提葉伯哩月本傳作怎帖巴二十五日

在塔爾巴哈台城所定齋桑淖爾迤東之舊界今應勘改益固

兩國和好今在哈巴河俄云別作喀巴河賽哩山之寄巴爾本傳作賽哩山地

方會合商定邊界之條開列於後按俄本據中俄約章補編與此義同又俄云此本先經七年改訂條約重定齋桑淖爾一帶界址之約也中俄

約章補編列載一約增加俄界與此約同是一舉且又同人同日同地所定其為一約無疑但文義稍殊及地名書寫殊異耳觀其前列條約人名一先俄而後俄一先俄而後俄蓋一據中國存本譯出也向例中國存本則中俄官

員銜名列前俄國存本則俄國官員銜名列第一條查一千八百六十四年

約紀年譯在塔城議定自阿勒泰山起至賽哩山本傳作賽哩山

舊界今兩國改立新界自賽哩山達巴罕木斯套山本傳作賽哩山

作本斯略 西嶠起西嶠起至烏勒崑烏拉斯土作本河源從此

順河行至邁喀布奇蓋作本地方有伊怎克勒德之名墳

墓作本從此順喀拉額勒吉斯河作本行

至阿勒喀伯克河作本匯流額勒吉斯河作本之處往逆

流行十里作本至額勒吉斯河南灣從此順喀拉額勒吉斯

河之流行至阿勒喀伯克河流入額勒吉斯河之處過河以阿

勒喀伯克河逆流過山作本至額

奇克阿素阿雅格作本之野流入左邊阿克塔什河

之處作本從此往東越過克哲勒阿什奇克珍山梁作本

自伯勒哲克河作本左邊至伯勒哲克河

流入愛喇克巴什河之處作本從此該二

河逆流行至薩斯作本地方流出之河源從此直至阿克哈巴

喀喇哈巴作本二河匯流之處從阿克哈巴逆流行行至該河

由阿勒泰山流出之源從此直達同治三年在塔城所定舊界

至木斯套山迤西及阿克哈巴河源迤東卽按舊界不改今將

兩國議定交界繪圖分別畫出紅綫以界綫迤東及東南爲大

清國地以界綫迤西及西北爲俄國地今兩邊界址已經議定

再不准更改第二條查科吉木伯特

俄本作開濟木庫特云別作開熱木別特又里對齊村在

哈薩克等從前大清國所屬之人今該哈薩克過冬之地

俄本作今克冬夏游牧之地

此次分界之後皆畫入俄國該哈薩克自換此約日起予

限一年或情願仍住原地爲俄國民抑或情願遷移大清國地

方爲大清國民均聽其便自此之外楚巴爾艾格爾

俄本作楚巴爾艾格爾云別作楚巴爾

珍特克依

俄本作真特式云別作真特克依

此二艾里哈薩克此次定界其過冬之

地畫入大清國夏住之地畫入俄國該哈薩克等亦一律予限

一年或照科吉木伯特艾里之哈薩克一律情願爲俄國民抑

或遷移大清國地方爲大清國民亦聽其便並將冬住之地在

大清國地方夏住之地分入俄國之科吉木伯特之哈薩克內

有願爲何國之人一律聽其自便

俄本作此層俄本未改

再此次議定兩邊情願

遷移之人各該新界地方指給冬夏所住之地自換約日起一
年限滿各該新界內安插之處應於兩國邊界官辦理一年限
滿後不准越境遷移第三條查此約第一條所載交界之地各
河之水以兩國近邊之民開渠種地澆田兩邊均勻分用第四
條按照此一條所載交界自阿勒泰山達巴罕至賽哩山所有
議定新界內應於設立牌博今兩邊分界大臣內各去一員按
照此約第一條及兩邊分界大臣所定輿圖設立牌博其所定
兩分地圖所立牌博地名各開滿俄字所立牌博之地清俄字
各寫四分文約畫押蓋印彼此相換各爲憑據據云上年八月十四日兩國
口所定之約即所謂邊界牌博之約也其地名開滿俄字也新領地著存標之等有
清領要城北段牌博建立完竣並中俄互換條約一摺五清安圖所擬二人所抄之稿紙應其上一字也第五條
此約內所定交界之牌博自今年起限滿三年兩國邊界官處
至六月卽俄之伊約哩月俄七月各派妥員預爲商議會所會同將
牌博查點一次如有損壞之處仍照舊章卽按地圖妥爲修補
今兩國

欽差分界大臣會同議定交界各寫清俄字條約四分蓋用兩國分界大臣之印各畫手押並將繪畫輿圖各四分以交界之地畫一紅綫所分地名開寫清俄字亦蓋用兩國分界大臣之印各畫手押彼此互換兩國分界大臣將各所執清字條約二分俄字條約二分及輿圖各二分彼此互換其條約各一分輿圖各一分除呈送各本國總理各國事務衙門外其餘條約各一分輿圖各一分咨送各本國邊界大臣永遠遵行今將此約在哈巴河賽哩山之奇巴爾地方互換大清國光緒九年七月初十日俄國一千八百八十三年伊約哩月三十一日

謹案今所據之約爲分界大臣升泰額爾慶額互換之約抄咨新疆巡撫衙門存檔備案者

八月初四日額爾慶額會同俄官撤斐索富勘分科布多屬地自阿克哈巴河源起至阿拉克別克河口止建立新界牌博四處是爲阿拉克別克河口界約

阿拉克別克河口約大清國

欽命勘分界務科布多幫辦大臣副都統銜法福靈阿巴圖魯額

爾慶額大俄國欽命分界全權大臣烏木斯克省總理衙門差

派大臣吉訥喇勒呢什塔布頗勒科瓦呢克撇斐索富今大清

國光緒九年七月初十日俄國一千八百八十三年伊約哩月

三十一日自大阿勒泰山嶺西邊起至賽哩山嶺（按本作賽哩山嶺）止兩國

分界大臣會同議定新界條約第一條第四條開列於後今照

議定新約第一條內載北邊界址山大阿勒泰山嶺西邊所出

阿克哈巴（按云別克河）河源起至左邊歸入喀拉哈巴（按云別克河）河口止該

阿克哈巴河口由高山中間流通（按本作該阿克哈巴河源在高山之間因水流甚急）本分界大臣等

會商此處毋庸豎立牌博即將本河議定作為兩國界址由阿

克哈巴喀拉哈巴二河匯流處過山行至薩斯地方之山灣（按云原注）

此處因有塔木塔克墳又曰塔木塔克薩斯別約作係在山溝又名塔木塔克薩斯此處有塔木塔克墳名曰塔木塔克薩斯

定此在正文豎立第一牌博自該牌博向東北相隔三百三十二丈即

是烏什庫拉孟齊爾錢本作什庫拉孟齊爾之高山直梁向東相隔三百零二

丈卽是齊格白之墳錢本作齊格白之墳由該墳又二百七十二丈卽是

柏克白之墳錢本作柏克白之墳從該墳向西相隔六十丈卽是塔木塔

克之墳錢本作柏克白之墳由此墳相隔一百二十七丈有董阿拉錢本作董阿拉

山梁高處由薩斯立牌博起至畢里子克噶拉克二河順河

而行錢本作由柏克白之墳起相隔五里至鄂博此河向西北流去轉向西

南流去錢本作此河自牌博五里向北而流轉則曲行向西南至畢里子克噶拉克今

改爲科技爾塔斯名目錢本作鄂博歸入畢里子克河之左邊

卓塔斯錢本作卓塔斯此河向西北木勒喀山錢本作木勒喀山向東南伯克塔白

國界綫由科技爾塔斯素河口向西卽是克森阿什齊山梁錢本作

立第二處牌博錢本作此河向西北流轉則曲行向西南自該牌博北

邊錢本作相隔三百六十二丈卽是克森阿什齊河錢本作克森阿什齊河

新圖志

國界三

八

順河相隔一百五十一丈有克斯白之墳原本作奇克墳云別作克新依省由此墳向

東六里界傍過齊奔得之山原本作自神傳過東六里界別有奇木德山云別作亦有得二里有展齊斯

圖木河源原本作古大斯圖真源云別作庫奇斯圖真源由此向東南四百八十三丈即克森阿

什齊之山嶺由此山嶺相隔二百一十一丈至巴斯島地方原本作巴

源云別作巴斯塔在由此處向南九十丈至喀音德布拉克地方原本作喀音德布拉克

克原本作克向西順克森阿什齊之山行至十二里過東畢里子克河之

西邊原本作自所立花森阿什奇克其河而行即自神傳過十二里入於東阿爾卑伯勒克河內此河流入克森阿什齊

素河原本作過克森阿什奇河云原注此河下游又名庫木兒河受喇別作庫木兒河也此河名曰庫木克

底暖拉克原本作過東阿拉克別克河原本注此河又名巴斯特河此河名曰

巴斯特勒克特原本作左邊與阿克塔斯河合一就近在喀拉圖

柏原本作喀喇圖山梁上名曰阿克塔斯豎立第三處牌博自該牌

博向西北相隔八十四丈高山梁有墳數座由該山梁向東北

相隔二里得勒拉畢業噶山直梁原本作噶山直梁云別作噶山直梁由該直梁向東

相隔一百丈至阿克塔斯河由此河向東南二百四十二丈原本

百四十 至塔斯庫瑪沙山錢本作他斯庫瑪沙云別作塔茲庫木沙由此沙山向南三百零二丈

錢本作自牌博至圖克塔克畢業噶山錢本作圖克他畢業噶山云別作托爾塔庫畢伊文此二山中間有

沙山嶺錢本作南山之謂有圖克他畢阿由該嶺向西南相隔四百二十三丈

卽是東阿拉克別克河錢云原注即巴此河左邊有阿克塔斯河合流

處錢本作又自牌博兩河相距四百二十三丈往東豎立牌博起至阿拉克別克下哨

向西南流入喀拉額爾濟斯河錢本作阿克塔斯牌博係阿拉克別克河下流先向西南行後

由河口左岸有喀拉素筆業格庫瑪錢本作喀拉素畢業噶庫瑪云別作喀拉素畢伊克庫木小山山梁

上豎立阿拉克別克河口第四處牌博自該牌博向西北相隔

二百八十丈託克託白之墳錢本作托克托白墳云別作托克託白墳由此墳向東北一百零

二丈圖喀白之墳錢本作自牌博往東北相距三百二由此墳向東南九十丈有

水池錢本作自牌博往東南相距九十丈係河岸由該池向南九十丈阿拉克別克

河口由河口向西三十六丈卽是阿拉克別克河錢本作自牌博往西九十丈

即該阿拉克別克河該阿拉克別克河口流入喀拉額爾濟斯河止此

乃科布多所屬地面由此處向上一帶共立牌博四處由喀拉

額爾濟斯河起至賽里山嶺止係塔爾巴哈台所屬地方所有
應分界址自應遵照前經兩國分界大臣等在哈巴河會商議
定以備大清國分界大臣升泰親往查照辦理今兩國欽差大
臣等將科布多所屬自阿克哈巴河源起至阿拉克別克河口
止與俄國會立新界牌博今將界址牌博地名數目編寫滿字
條約四分俄字條約四分兩國分界大臣等將條約各鈐印畫
押互換以歸永遠今將條約在阿拉克別克河口互換可也大
清國光緒九年八月初四日俄國一千八百八十三年阿瓦固
斯塔月^{俄八}二十三日

謹案此本哈巴河口約而建立科屬牌博者也其界本無與
新疆但係同時之事又地勢相貫不並載之不足具其首尾
也此亦分界大臣互換之約鈔咨撫署存檔備案者

十三日升泰會同樞斐索富勘分塔城北段新界自科布多之阿
拉克別克河口起至穆斯島之邁喀普奇蓋止建立牌博三處小

牌博二處是爲邁喀普奇蓋界約

邁喀普奇蓋界約大清國

特派分界大臣內閣學士兼禮部侍郎銜伊犁叅贊大臣升泰大
俄國欽差勘分界務全權大臣吉訥喇勒呢什塔布衙門之頗
勒科瓦呢克嫩斐素富等會同大清國光緒九年七月初十日
卽俄國一千八百八十三年伊玉哩月即伊約三十一日兩國

欽差勘分界務全權大臣在哈巴河地方議定自大阿勒泰山達

巴罕起賽哩山達巴罕止按照新界條約第一第四條今將新

界南段自阿拉喀伯克

即阿拉
克列克

河口起止賽哩山達巴罕之木斯

島

即阿
斯山

山所有設立分晰新定交界之條開例於後今按前約第

一條所載兩國交界自阿拉喀伯克河口起以喀拉額勒吉斯

即喀拉
額勒

河逆流行至距阿拉喀伯克河口十里之上至額勒吉斯

即阿
斯

河灣南頭卽此河灣南頭附近建立一處喀拉額勒吉斯

界牌鄂博距此鄂博迤北六丈之地有喀拉額勒吉斯河又距

鄂博東北四百二十三丈之河岸有奇罕喀拉蘇等名小池

漢注云此

池土層層特曰

曰喀拉蘇

距鄂博東南一百十八丈之地有察木開之名墳墓鄂

博西北有庫札敖科克特勒克等名溝內有樹林從喀拉額勒

吉斯界牌鄂博起往南行至邁喀普奇蓋

同前原稿作邁喀布奇蓋

地方之伊怎

克勒德墳墓對面即將交界直靠烏勒昆烏拉斯土河自額拉

吉斯鄂博至此河有一百餘里之遠今因分晰畛域在必爾扣

地方

漢注此地方土層層特曰布爾扣

小高阜之上設立第二處必爾扣界牌鄂博此

所立牌博向北並向東北有一道淺溝由此溝距鄂博向東北

四百一丈之地有庫瑪庫勒之名用土塊修築四方墳墓並此

溝內有所穿之井其井名曰愛男庫斯庫敖拜康坎庫都克額

斯頗勒也其額斯頗勒之名井即在鄂博之正東三百八丈之

地井也並將必爾扣等溝迤東有昆固勒巴業格庫瑪等名山

上之高崗

漢注此高山土層層特曰洪固斯之崗

其周圍俱有小沙崗此溝之西北首自

鄂博之北邊直達該溝之東北曠野從此必爾扣牌博起即按

前約第一條所載往南行至邁喀普奇蓋地方伊怎克勒德墳
墓對面從此直達烏勒昆烏拉斯土河其交界直綫直過阿克
庫瑪等名沙灘往東行過尖烏勒昆烏拉斯土等名夏屆水乾
小河溝又注此河又曰小溝從小河溝順行至十四里該河向南流矣其界
綫畫過小河溝之處因分晰交界之地該小河溝南岸之卓索
拜等名墳墓附近建立小界牌鄂博一處離此小鄂博迤北三
里之地因分晰交界之綫建立第二處小界牌鄂博其在卓索
拜墳墓附近科塔勒河溝迤南所立小鄂博起行至伊怎克勒
德墳墓其河溝卽在界綫之西邊所見甚明我們分界全權大
臣等彼此商議卽此小河溝中爲界從此伊怎克勒德其字又作伊德
交聯的食係傳
之墳墓附近烏勒昆烏拉斯土河西岸之烏蘭托勒格依之
邱陵上設立第三處邁喀普奇蓋之名界牌鄂博由此鄂博向
北距二百三十二丈於前開之烏勒昆烏拉斯土河之兩岔匯
流處所距鄂博三十二丈之地卽烏勒昆烏拉斯土河之東邊

大岔子河是也距鄂博向東南二十二丈之地卽用土修築鑲木板伊怎克勒德等名之圓墳也從此行至三十七丈之地卽山之高崗名曰克吉勒土木斯克其崗之險峻山梁盡頭處又由鄂博直至迤南二十三丈之地向東卽齊桑城東邊行走邁喀普奇蓋大路從此過邁喀普奇蓋鄂博至烏勒昆烏拉斯土之河

以注土爾其特曰蒙古西北

逆流行至在木斯烏達巴罕

以注此土爾其特曰鄂博城隍廟土

冰雪之

中直至河源從此向東行至賽哩山達巴罕

以注此土爾其特曰賽哩山達巴罕

高崗之

上從此行至舊界迤北曲灣之處卽靠合此灣曲此舊界曲灣之處向西及向西南舊界仍爲不改由此灣起阿克哈巴河源止其舊界此次兩國分界全權大臣等於光緒九年七月初十日卽俄國一千八百八十三年伊玉哩月三十一日在哈巴河地方會合按照議定條約更改卽按此約立定新界爲此我兩國分界全權大臣等會同自阿勒喀泊克河口起向南直靠舊界其所立新界牌博之名以及數目繕寫清俄字條約各四分

於條約內各蓋印畫押其俄字條約各二分清字條約各二分彼此互換以爲憑據今將此約在邁喀普奇蓋地方互換大清光緒九年八月十三日俄國一千八百八十三年怎提雅巴哩

怎即其
提伯哩 月初一日

謹案此本哈巴河口約而建立塔屬北段牌博者也錢恂中俄界務不載此約蓋未之見也此亦勘界大臣鈔咨撫署存檔之約

錢恂界語界綫自奎屯山即平山向西經阿拉里克山梁山南地

屬中國山北地屬俄國界綫自山梁之阿克喀巴即阿克巴河源

折而南順河而下凡河之東岸屬中國西岸屬俄國至阿克

喀巴喀喇喀巴即喀巴兩河會流之口即注兩河會流以
後即名喀巴河界綫向西橫

過山梁名薩茲即薩茲山溝山南地屬中國山北地屬俄國界綫

自山溝順博勒哲克畢爾愛拉克巴什即畢爾子
克巴什小河而下又過

博勒哲克即畢里
子克河即注博勒哲克河愛博勒
克畢爾愛拉克巴什小河凡小河之東岸屬中國西

岸屬俄國界綫過河向西橫過克森阿什奇克真即克蘇阿什奇小山

梁山南地屬中國山北地屬俄國界綫自山梁橫至阿克塔

斯河之濱即順阿克塔斯河而下至河入阿拉克別克河處

又順阿拉克別克而下至入額爾齊斯河之口凡兩河東岸

屬中國西岸屬俄國案此上係額爾齊斯河與俄官設案案立科屬牌州之界界綫又循額爾齊斯河

至一小弓彎處河南岸屬中國北岸屬俄國界綫自額河之

彎作一直綫向南微東至邁哈布奇蓋即邁哈布奇蓋地方之伊森克

拉得即伊森克墳以往往伊森克東屬中國西屬俄國界綫自伊森克拉

得墳溯烏勒昆烏拉斯即烏勒昆烏拉斯河而至賽里烏蘭即賽里烏蘭之木斯

套即烏勒昆烏拉斯凡河之東岸屬中國西岸屬俄國界綫自木斯套向西

順賽里烏蘭山嶺至察罕鄂博河源凡嶺南地屬中國嶺北

屬俄案自賽里山以上係外蒙與俄官設案案立科屬牌州之界此本光緒九年阿拉克別克河口界

約是段界綫洪氏界圖不甚明顯故言之稍詳蓋融會科布

多約哈巴河約案科布多約哈巴河約不係俄約官立立耳及兩阿拉克別克河口約案科布多約哈巴河約不係俄約官立立耳

同兼證以洋圖而成也此界之外乃齊桑淖爾一帶膏腴之地故俄人一再請割爾

鄒代鈞約說其界自阿克喀巴河源南偏西二十四度三十分一百四十二里爲阿克喀巴河與喀刺喀巴河相會處界又西偏南一度迤逾薩茲山灣五十里至伯勒哲克河源界又南偏西四十四度順流迤三十里爲伯勒哲克河與自北來之別源會處界又西偏南九度過阿克森阿什奇克眞山梁四十二里抵阿勒克別克河界卽傍河南偏西十五度三十分迤九十里爲阿勒克別克河入額爾齊斯河之口界又傍額爾齊斯河沂洄東南上十二里離河至阿勒克別克河口之南偏東十五度一百里爲邁哈布昆蓋抵烏勒奇烏拉斯圖河界卽沂河南偏西十二度八十里至烏勒昆烏拉斯圖河源卽賽里山西麓也界又西迤至肯德爾利克河源與舊界會自阿克哈巴河源至阿勒克別克河入額爾齊斯河

之口爲光緒九年所定界屬於科布多者自額爾齊斯河南

岸

在阿勒泰別克河之南

至肯德爾利克河源爲光緒九年所定界屬於塔

爾巴哈台者

九月初三日升泰會同俄官斐里德勘分塔爾巴哈台屬地自喀拉達巴罕起至哈巴爾阿素達巴罕止建立牌博二十一處是爲塔爾巴哈台約界

塔爾巴哈台界約大清國

特派大臣內閣學士兼禮部侍郎銜伊犁叅贊大臣升泰俄國特

派勘分界務大臣七河巡撫總理馬隊事務大臣吉訥喇勒呢

什塔布吉訥勒瑪玉爾喀瓦列爾斐里德

俄云即阿爾里德

會同按照俄國

皮特爾布爾格京都議定新約第九條

俄云即光緒七年改訂條約

及俄國一千八

百六十四年新提雅伯里月二十五日卽中國同治三年九月

初七日因分界事宜在塔城會合其所定條約內所開自忠阿

爾阿勒烏山之喀拉達巴罕起至塔爾巴哈台山之哈巴爾阿

該云同治三年光緒七年的內並無此句且
哈拉達巴罕同治三年對屬戶地並非交界

續云此塔煨光緒七年改訂地
約重定塔爾巴哈台西南一帶

第一條今自伊犁東北塔爾巴哈台西

之哈巴爾阿素達巴罕止此間共立博牌廿一處今將牌博在

界外

四處

以注四中地界第一種博博云此爲中地界約約又即云行要該博立地界第一種博即俄國三十四
牌博分不此之云而注云中地第一種博石蓋約等及一切地名均出於俄族之手由洋譯過之時又必未及

的譯
 之端
 耳樹

建立第三十五處界牌鄂博從耶庫勒之野西北行至莫敦巴

爾魯克齊卡倫就此兩間之庫夏奇等溝口對面建立第三十

六處界牌鄂博從此行至沙拉阿噶奇達墩名溝口對面建立

第三十七處界牌鄂博以札婁勒山之南嶺建立第三十八處

界牌鄂博就此山之西邊建立第三十九處界牌鄂博莫敦巴

爾魯克舊卡倫地方建立第四十處界牌鄂博從此順中國舊卡倫之路行至巴爾魯克舊卡倫地方按云第六建立第四十一處界

牌鄂博額爾格土塔素土舊卡倫地方

按云額爾格土塔素土舊卡倫

建立第四十二

處界牌鄂博察罕托海舊卡倫地方建立第四十三處界牌鄂

博沙拉布拉克舊卡倫地方建立第四十四處界牌鄂博瑪呢

土舊卡倫地方建立第四十五處界牌鄂博從此順卡倫之路

行至蒼塘子舊卡倫有伊尙纏頭之樹木園子此園以爲交界

之西其烏松阿哈奇泉子地方建立第四十六處界牌鄂博克

吉爾拜泉子地方建立第四十七處界牌鄂博蒼塘子舊卡倫

地方建立第四十八處界牌鄂博從此順卡倫之路行至喀拉

布拉克

句

巴克圖舊卡倫地方

一作巴克圖舊卡倫

建立第四十九處界牌鄂

博從此順卡倫之路行至奇塔特河水由山口流出地方此處

有烏松布拉克之河附近地方建立第五十處界牌鄂博由塔

城往素瓦素達巴罕之路附近地方建立第五十一處界牌鄂

博喀拉奇塔特河從塔爾巴哈台中流出地方建立第五十二處界牌鄂博從此喀拉奇塔特河逆流行至庫木爾奇舊卡倫地方建立第五十三處界牌鄂博從喀拉奇塔特河逆流行至布爾罕布拉克河匯流之處從此以布爾罕布拉克逆流行至河源建立第五十四處界牌鄂博原注如中西界第二十一條圖從此卡倫之路行至哈巴爾阿素達巴罕直靠舊界自塔屬喀拉達巴罕起哈巴爾阿素達巴罕止共立牌博二十一處其所立牌博繕寫清漢俄三樣字就此所立牌博之處以爲交界並將所繪輿圖內紅綫亦爲兩國交界今將兩國所定之界自塔屬西南喀拉達巴罕起止迤北哈巴爾阿素達巴罕其界綫西北爲俄國地方界綫東南爲中國地方並將輿圖內所畫紅綫迤東爲中國地迤西爲俄國地其所立牌博數目及所有輿圖內山河以及地方均按此約議定章程辦理

俄云此界首自伊爾庫次之喀拉達巴罕起已非同治三年舊界則光緒八年九月伊爾庫次之喀拉達巴罕起已非舊界之圖也

喀拉達巴罕起已非舊界之圖也第二條查哈拉奇塔特河水自塔爾

已哈台山根流出此河水以兩國軍民人等均勻分用至流過兩國交界之水以兩國軍民人等灌溉田地及各項使用一律均勻分用其各河之水仍舊放流本河不准另行攔阻使兩邊均獲其益不得相爭第三條此約內所開交界地方所立牌博自今年爲始三年限滿兩國邊界官處於是年七月間卽俄國敖古斯月俄曆各派妥員會合商定會所查點新立牌博如有損壞之處卽照輿圖及約內所立牌博章程妥爲修補第四條查從前巴爾魯克山內及塔屬各處駐牧俄屬哈薩克等因爲利己未令中國官員管轄亦未交稅今議定此約後其巴爾魯克山及塔爾巴哈台所屬地方仍屬中國地方卽令該哈薩克等遷移俄國之地亦屬礙難今換此約日起其巴爾魯克山之哈薩克予限十年仍舊巴爾魯克山內游牧俟限滿後兩國官員如不另行商辦則卽將該哈薩克遷住俄國地方十年限內中國官員將中國人民毋庸遷住巴爾魯克山內亦無須設卡除

巴爾魯克山哈薩克外其餘塔爾巴哈台所屬各處駐牧哈薩克等卽欲遷住俄屬地方亦屬礙難今換此約日起予限一年其一年限內令將該哈薩克照舊原處游牧俟限滿後卽將該哈薩克遷移額米爾河

按云阿米里河入阿拉庫里

迤南及巴爾魯克山內或俄國

所屬地方

按云同治三年界巴爾魯克山外正西一帶平地屬中國所駐哈薩克人其亦自稱中國今此約既立邊卡今十年借期已滿即歸俄國大俄解俄人久客不遷其心固屬近來俄中官阿爾斯蘭巴爾魯克山一帶地入俄

設立邊卡今十年借期已滿即歸俄國大俄解俄人久客不遷其心固屬近來俄中官阿爾斯蘭巴爾魯克山一帶地入俄

時尤可更屬疑忽爾索巴爾魯克山已於光緒二十年交還第五條查哈巴爾阿素迤南

順中國舊卡倫有一條商路今將此路以爲兩國人民行走公

路於此路或俄國卽中國均毋須安卡亦毋庸修蓋兵房第六

條按照從前兩國官員商辦其中國塔爾巴哈台所屬奇畢爾

阿噶奇地方

按云此地亦屬俄國要

割草之地塔爾巴哈台巴克圖兩邊之人

照前一律均勻割用又俄屬烏宗布拉克

按云烏宗布拉克

河水種地之

所亦照兩國邊界官商定兩國人民一律均勻耕種此係兩國

和好之道辦理今將此事均令兩國邊界官辦理第七條今兩

國分界大臣將界務分畢公同商議繕寫清俄字條約各四分
與圖各一分蓋印畫押互換爲憑今將此約在塔城互換各執
爲據大清國光緒九年九月初三日俄國一千八百八十三年
森提雅伯哩月俄文二十一日

錢恂界語界綫自察汗鄂博河源起順河而西凡河之南岸

屬中國北岸屬俄國界綫又向西絕過小河二道水內入庫
在塔城河至巴

彥木爾占山口山口在一小
河兩岸之上再西順山嶺至布凱阿蘇山口再西

稍北至哈巴爾蘇山口均嶺南向南流水之地屬中國嶺北

向北流水之地屬俄國此本同治九年塔爾巴哈台界約然

界約第六牌博以東之地光緒九年已割隸於俄當以阿拉

克別克約爲準不能復據此約矣界綫自哈巴爾阿蘇順山

嶺南行至布爾罕布拉克河源順河而下又順喀拉奇塔特

河

河受布爾罕
布拉克河

歷庫木爾奇廢卡至模沙爾帖克地方之南凡河

東岸屬中國西岸屬俄國界綫又斜向西南至巴克特卡倫

之東

此爲俄國卡倫與庫拉河東行之大道有郵局

再南經瑪呢圖廢卡絕額米里河而過徑

沙喇布拉克

切

察罕托海

切

塔素土

切

巴爾魯克

切

四廢卡

又至莫敦巴爾魯克卡中間絕過數小河均東屬中國西屬俄國界綫自此下山麓入平地順野高阜而南大約高阜東半屬中國西半屬俄國高阜盡處爲阿拉套東南麓之喀拉達坂界綫卽上山麓此本光緒九年塔爾巴哈台界約此界莫敦巴爾魯克卡尙在巴爾魯克山麓麓西有哲拉那什赤庫里庫里正西乃爲阿拉套東行之正幹同治年間界約雖未明晰然必是踰庫里卽西上山麓循正幹爲界而不南繞以支脈爲界此約改爲順平地南繞而平地東巴爾魯克山遂瀕於界上此借地十年之案之所由起也近年洋圖竟將巴爾魯克山之西半劃入俄境幸譯署疆臣力爭收回借地不致淪入異域爾

鄒代鈞約說自肯德爾利克河源至哈巴爾阿蘇山口爲同

治九年所定界屬於塔爾巴哈台者查同治九年所定實自
瑪呢圖噶爾勒幹始後因光緒九年割去烏勒昆烏拉斯圖
河以西一段惟肯德爾利克河源哈巴爾阿蘇尙存其舊然
同治九年所定鄂博係俄西伯利總督自行建立請由科布
多大臣奎昌查勘與明誼所定紅綫有無侵占旋由奎昌咨
報與明誼界圖相符事遂定兩國定界重大何似竟如是草
率了事薄海內外惟中國有之可歎

阿克哈巴河源至哈巴爾阿蘇山口爲科布
多塔爾巴哈台與俄界之界

界又自哈巴爾阿蘇山口向南偏西

十四度迤八十五里爲巴克特卡倫巴克特之東偏南四十

二度二十里爲塔爾巴哈台城卽乾隆三十一年所築之綏

靖城也又名楚呼楚舊駐辦事大臣近因新疆建行省置直

隸廳於此界又自巴克特向南偏西二十度迤六十里爲瑪

呢圖卡倫瑪呢圖卡倫之北爲額米爾河出界處額米爾河

源出塔爾巴哈台城之東偏北三度二百四十里鄂爾霍楚

克山西北麓卽西域圖志額敏郭勒也西偏南十九度流一百一十二里過杜爾伯特鎮之南至鎮之西右會自東北來一源又西偏南八度流八十里左會自東南來之沙刺噶魯蘇河又西流出界又西偏南二十度流一百四十二里入阿拉克圖古勒泊卽西域圖志之古爾格淖爾南北約百里東西約八十里界又自瑪呢圖卡倫偏西二十度迤四十二里爲察罕托霍依卡倫界又南偏東十一度迤四十六里爲塔斯特卡倫卽額爾格圖也界又南偏西十九度迤六十里爲巴爾魯克卡倫卽楚爾楚特也其處爲巴爾魯克山麓光緒九年塔城界約第四條從前巴爾魯克山內俄屬哈薩克卽令遷移亦屬礙難今換此約起予限十年仍舊山內游牧限滿後遷住俄國地方嗣於光緒二十年秋如約收回水道記巴爾魯克山亦鎮山也準語樹林叢密之語界又東偏西四十二度迤七十四里爲莫多巴爾魯克卽庫薩克界又西偏

南二十八度迤五十五里爲喀拉達坂自哈巴爾阿蘇山口至喀拉達坂爲塔爾巴哈台所屬之界光緒九年所定者

十年五月初十日沙克都林札布會同斐克托爾米德恩斯克依立勘分喀什噶爾屬天山之約凡建立牌博二十二處指山梁爲界者七處是爲南路西北界約

勘定沙大員日五月二十二日與俄使議辦未分之界八月十六日奉其議約則在十年五月初十日也

南路西北界約大清國

欽差勘分南路界務巴里坤領隊大臣頭品頂戴記名副都統世襲騎都尉加一雲騎尉庫楚特依巴圖魯沙克都林札布會同大俄國欽差勘分界務總管斐勒奈省固必爾納土爾幫辦大臣辦理斐勒省事務衙門之爲首吉納喇勒瑪玉爾斐克托爾米德恩斯克依於一千八百八十一年斐巴喇里月十二二十四等日遵照中俄兩國在撒德爾布爾格城所定條約勘分中國所屬喀什噶爾天山西北地方俄國地方之界址本年已自中國喀什噶爾省俄國七河省之別疊里達巴罕起順天

山中梁向西南行又自中國所屬喀什噶爾省俄國斐勒奈

省之圖雲俄本作卽蘇岳克即蘇達巴罕起至烏斯別里

達巴罕止互相建立牌博以爲交界其間或有相距之界看

其山嶺之所靠河水之牧場應爲交界之達巴罕均已建立牌

博惟有山險不能上去難立牌博之處卽指定應立牌博之地

名隨時註明約內今將條約開列於後第一條兩國分界大臣

上年建立牌博自別疊里達巴罕起向西行至南邊科克沙勒

山一帶山中並無達巴罕達巴罕起向西行轉而向南順天山中行經

庫噶爾塔俄本作齊恰爾俄本作烏魯俄本作巴圖瑪納克俄本作俄語

喀喇濟勒干俄本作清語和踐特俄本作至俄語庫魯木都克達巴罕

清語庫倫都俄本作自此又向西行按照輿圖指南向北順本山行

經博斯愛格爾俄本作庫爾皮別里俄本作黑皮恰克達巴罕俄本作

俄語鐵列克俄本作達巴罕清語鐵列克提依達巴罕烏圖魯俄本作

達巴罕俄語克則勒庫爾清語黑子庫勒俄語圖魯噶爾塔

設本作圖清語圖魯阿提依至俄語圖雲卽蘇岳克達巴罕清語蘇

爾克達巴罕以上十四達巴罕均已建立牌博獨不能上喀喇

濟勒干達巴罕未立牌博是以指其山之中梁爲界靠輿圖紅

綫迤南地方以及河水爲中國所屬地方順天山靠輿圖紅綫

迤北地方以及河水爲俄國所屬地方第二條自圖雲卽蘇岳

克達巴罕起順喀什噶爾斐勒奈兩省中間山梁向南行經俄

語博爾貴設本作布清語庫噶爾塔伊提穆阿蘇至庫噶爾塔設本作庫

達巴罕自此又向西南順山行經圖子阿蘇設本作圖卽阿朗庫勒

喀拉瑪阿蘇設本作喀塔勒格依設本作塔俄語薩依德設本作俄清語

色旦設本作色薩瓦雅爾德設本作薩俄語塔爾塔庫勒設本作塔清語塔拉庫

勒克斯達爾設本作克至俄語喀喇察勒達巴罕清語哈哈拉拉

自此南行經俄語伊特特克設本作伊清語伊克則克至喀喇別里

達巴罕自此不到喀喇灣庫勒設本作喀達巴罕卽順南山分脈向

東南行自克則勒蘇河至伊爾克什塔木設本作伊河止以上十四

處均已建立牌博或在山根或在山中以上所載達巴罕以及河水地方靠紅綫迤西均爲俄國所屬地方以上迤東以及河水地方均爲中國所屬地方第三條大清國

欽差勘分界務領隊大臣沙克都林札布會同大俄國欽差勘分界務吉訥喇勒瑪玉爾斐克托爾米德恩斯克依自伊爾克什塔木河地方向南行經瑪里塔他巴爾山烏斯別里達巴罕喀喇阿爾塔達巴罕卽喀勒達宛喀喇札克達巴罕至烏斯別里卽克則勒借克山此處卽爲兩國分界之末處因其山高入不能上且無建立牌博之地方亦無走路礙難勘分是以兩國大臣商定自伊爾克什塔穆河地方向南行順瑪里塔巴爾河以河之左岸爲俄國所屬地方以右岸爲中國所屬地方又自河口起向南行順山行至瑪里塔巴爾山自此又順此山分脈行至烏斯別里

欽定大清會典事例卷一百一十五

達巴罕自此又經瑪爾堪蘇河順喀

喇庫勒池

欽定大清會典事例卷一百一十五

之迤東又順本山至喀喇塔達宛卽喀喇阿爾

塔

俄本作喀里他達特又名喀爾阿爾特

達巴罕看此一帶山大約每歲積雪自此又經喀

喇札克

俄本作喀喇札克

達巴罕至烏孜別里

俄本作烏自別里

卽克則勒借克

俄云源注又名克則勒治克

達巴罕看此一帶達巴罕大約每歲積雪至此達巴罕卽爲兩

國地界分竣之處於是俄國界轉而爲西南中國界轉而爲正

南以紅綫迤西地方以及河水爲俄國所屬地方以紅綫迤東

地方以及河水爲中國所屬地方

俄云光緒七年議約時俄人以所界爲止於瑪里巴山口爲滿蓋達圖阿古伯所界俄人界南瑪里巴山口也

會大臣不許謂界設盛亞內所未有之據斷不備有所增加俄人雖亦謂滿蓋達圖阿古伯所界俄人界南瑪里巴山口也

西蓋蘇古兄弟受索斯庫得克大戰之地索斯庫得克兄弟受索斯庫得克大戰之地索斯庫得克兄弟受索斯庫得克大戰之地

約係當山界換之約特爲正南第四條此約文內載中俄國所分界限互相建

立牌博之山河地名應繪與圖貼說爲憑第五條兩國邊界官

員自分定界限之後兩國每年各派委員帶領兵丁會與邊界

前往查看新立牌博一次如有損壞之處應由所派官員仍照

原制各爲補修第六條兩國分界大臣所有會同議定已分界

限之地名應立約文以清文俄文合璧各用印信畫押又兩國

分界大臣應將所分界限繪畫輿圖並畫紅綫將所分界限地名以清文俄文合璧用印畫押各將輿圖一分約文四分彼此互換存案備查爲此今在新瑪爾格蘭城彼此互換文約以昭信守

該約係於光緒十年五月二十二日在新瑪爾格蘭城彼此互換此約係俄國所繪者也

沙大臣勘界日記光緒九年五月二十二日與俄使咩登斯開章立根議續勘未分之界六月初三日至庫嘎爾特山頂去路西北丈餘埋立木牌書滿漢文三十八字又西五六丈峯下砌鄂博路東丈餘石片下窖銅牌俄使於路東亦立鄂博初五日至奇恰爾山頂路北二十一丈有奇小峯頂上立木牌書滿漢文三十九字下建鄂博另窖銅牌一方俄使立博在路之南約五丈餘二十日至烏魯山頂最高處去路二十一步立鄂博建木牌埋銅牌如前式俄使亦於路南立鄂博其西約離五十里有巴圖瑪納克山布魯特來往貿易之徑路之左右中俄互立鄂博並埋銅牌二十九日至庫倫杜達坂立博埋牌七月初五

至十三日疊接張幫辦來牘謂喀喇多拜暨屯木倫等處爲現管之界遂先從此處力爭大都爲得尺得寸之計俄使竟抱定紅綾唇敝舌焦百折不回夫豈喜事好名蓋所謂現管者尙多其處此喀喇多拜與俄力爭幾至決裂恐失先機耳詎敢以雖爭弗得自諱哉延宕數日同來使始赴和堅特博孜孜格爾黑皮恰克帖列克提四處達坂共相立博埋牌胥如前式十四日至黑子庫爾山頂水分二面共立博埋牌十五日勘倭圖魯達坂在喀喇多拜西南八十里達坂頂卽倭圖魯河源共立博埋牌如前式十六日至圖魯阿提達坂水從此發源西南流卽於路東高處立博埋牌二十二日至庫嘎爾塔達坂照前立博埋牌折回原路八十里至蘇約克於路東高處共立牌博如前式二十六日由于壠他什口向北延望二十餘里見依提木阿蘇達坂無路登臨同指山梁爲界三十里至吐子阿蘇立博埋牌東南有哈喇瑪阿蘇望之二十餘里高陡無路如前指山爲界

二十七日至塔拉格依山立博埋牌折回原路抵阿拉于胡向東南十餘里延望色丹欲上無路指山梁爲界約如前八月初三日至薩瓦雅爾得達坂立博埋牌胥如前式初七日至塔拉庫勒達坂如前立博埋牌折回路口向北行八十里漸高漸險水南流望之約十餘里卽克斯達爾達坂又呼黑子塔爾不能往越如前同指山梁爲界初八日至哈拉卡拉達坂兩國共立牌博並埋銅牌初九日至伊爾克什他木卽官圖紅綫之伊爾克池他木河亦卽卡倫單之依爾克什唐是也曩者夷族叛亂俄人屯兵帕霞置卡形勢要害人力所爭此官圖紅綫所界劃卡倫單所特載者初十日至屯木倫住一日爲就其山川形勢地段名色細察輿圖約文務求釋然於心而後行十四日由廓克蘇渡河向北行六十里至東格爾瑪又名哈喇別里達坂絕頂兩國共立牌博仍回廓克蘇十五日回走至以克則克山梁共相立博埋牌還至伊爾克什他木河立博埋牌十六日回烏

魯卡克提住馬同俄使籌商馳勘瑪里他巴爾山等處末界山高雪深人不能到兩國同指山梁爲界載在約文各昭信守十七十八兩日款留俄使並商辦理圖約以便互換據答以去年換約在貴國喀城今年換約應在我國界既經勘定有何疑貳等語渠堅欲回國屢商不從始允二十三四五等日晤長大臣張幫辦將疊准知照文牘信函情形會商定界圖約迅期竣事九月十六日始將定界圖約辦理完備長大臣據將應照紅綫定界大概情形具以入告矣

戡定新疆記歸地篇沙克都林札布仍會咩登斯格從烏什別疊里山迤西之喀克善山接續分起至喀什噶爾所屬之烏魯一帶逐段履勘由蘇約克山轉向喀什噶爾之西按照圖約分立牌博而張曜復奏伊爾克池他木與現管地方舛錯太甚考塔城舊約載明行至葱嶺靠浩罕界爲界俄官欲照圖綫在伊爾克池他木立界該處天山以內地勢平行既不沿葱嶺亦不

靠浩罕實與條約不符現管之帖列克達灣係葱嶺正幹與西南現管之界同一山梁山陰皆浩罕舊地爲今俄國費爾干省之界中間廓克蘇至伊爾克池他木一帶係喀屬岳瓦什布魯特牧地水草既饒道路又近部衆賴以資生比會同沙克都林札布按約力爭俄官旋因病回國當經咨商劉錦棠金順轉向俄國外部商榷俟議定在帖列克達灣設立牌博再行換約奉旨著總理衙門核議具奏時長順接張曜先後咨送輿圖均於總署所頒官圖紅綫外添畫一綫稱係現管地方必須爭回卽會商沙克都林札布由別疊里山順中梁察明紅綫並照現管勘至帖列克屯木倫一帶俄官不肯於此處劃分堅請按照紅綫在伊爾克什唐即伊爾克池他木立界指辯多日迄無轉機察現管之界有三一喀喇多拜在帖列克提達坂迤北綫外約八十餘里係天山之陰一帖列克達灣在喀境西綫外約二百餘里一屯木倫在帖列克達灣東南綫外約百餘里皆距紅綫甚遠勢難力爭

若不趕分換約恐又別生枝節覈實奏陳而沙克都林札布仍同俄使照官圖紅綫逐段履勘自喀克善山分起此山險峻難越不能審立牌博同指山梁爲界由此向西南至庫嘎爾特山梁立牌博一處西南至巴圖瑪納克立牌博一處西南至庫倫杜立牌博一處西至和堅特立牌博一處西南至博孜克爾立牌博一處西南至黑皮恰克立牌博一處西至帖列克提達坂立牌博一處西至倭圖魯立牌博一處西至黑子庫爾立牌博一處西至圖魯阿提卽圖魯嘎特立牌博一處北至蘇約克立牌博一處西至庫嘎爾塔立牌博一處西至伊提木阿蘇險峻如前同指山梁爲界西南至吐子阿蘇卽阿來庫里立牌博一處西南至喀喇瑪阿蘇險峻如前同指山梁爲界西南至塔拉格依立牌博一處西南至色丹險峻如前同指山梁爲界西南至薩瓦雅爾得立牌博一處西南至塔拉庫勒立牌博一處西南至克斯達爾險峻如前同指山梁爲界西南至恰拉卡拉

立牌博一處西至東格爾瑪卽喀喇別里立牌博一處西南至以克則克卽伊特特克立牌博一處南至伊爾克什唐立牌博一處西南有瑪里他巴爾山烏斯別里山緊靠浩罕均係應立牌博地方因山高雪積攀越維難同指山梁至綫外之喀音噶里山爲界計自喀克善山起至烏斯別里山止共立牌博二十二處指山爲界者七詳考官圖紅綫均屬相符並於牌博下暗識銅牌當與俄使議換圖約俄使因張曜咨商伊犁將軍行文往返需時稱病回歸沙克都林札布亦卽馳回喀什噶爾旋派員赴俄國窩什換回圖約考證無訛時總理衙門遵

旨覆陳據張曜所奏尙須爭回帖列克達灣一帶地方而長順奏已照紅綫劃分定界兩人各抒所見辦法亦涉兩歧且長順覆奏內稱依爾克池他木卽新約後載議准俄商出入卡倫山口之伊爾克什唐亦卽圖中之依爾克池他木河其處綫外並無游牧間有子遺布民均住卡倫附近地大抵力言張曜指爭地

段非盡實情現將張曜長順各呈地圖與新舊紅綫洋圖詳細對核大致均屬明晰惟地名詳略互異譯音各判方位亦未能一一相符按喀喇多拜一處新舊圖俱未載既據現來各圖在喀城之北紅綫外無可與爭應無庸議依爾克池他木河舊圖不載新圖正依紅綫界限長順所奏不誤其帖列克一處張曜所謂帖列克達灣者在喀城極西新圖列在紅綫外其屯木倫一處卽在帖列克南新圖未載舊圖則兩處地名皆無惟載迤西喀喇庫里湖與各國同却在紅綫之內新舊紅綫不符若此揣曾紀澤定約時或因新圖不無縮入又知左宗棠咨報克復喀城有佔得安集延遺地邊界展寬之說故約內添西邊以現管爲界一語以預留地步既以現管爲界卽可不拘定紅綫此二處確在喀城之西原可力爭張曜所陳不爲無見但查新約卡倫單確有伊爾克什唐名目既指爲入口之路於此分界理亦甚長竊意俄官必明知地圖稍有展進之處故不以現管爲

界而堅以紅綫爲憑爭之誠恐不易長順所慮遲不換約恐俄人別生枝節亦係實情惟帖列克達灣是否係西邊要隘岳瓦什種人是否別無牧場請敕劉錦棠金順就近熟籌利害確切查明金順旋接沙克都林札布咨稱帖列克達灣在喀城極西距依爾克池他木紅綫二百餘里地勢孤懸一隅實非要隘而伊爾克什唐載在新約卡倫單設卡置兵以謹出入依此立界險要固未失也岳瓦什部衆均住紅綫內之烏魯克恰提游牧距帖列克達灣迤東三百餘里地勢寬闊水草裕饒履勘時並無岳瓦什人在彼住牧曾報其部長蘇唐伯克隨行如果係該部牧場自必明指地段求爲爭回乃追隨日久從未言及則帖列克達灣非該部民牧地可知又接劉錦棠函稱該處布魯特部落游牧爲生春東夏西迄無定所且人數甚少而牧地袤延依爾克池他木等處尙非要隘且沙克都林札布與俄官爭辨堅執不從實以心力交瘁似不必以區區一隅致礙邦交金順

亦以南段疆界經

特派大臣會同勘分幾費唇舌始得照圖綫定約邊隅片壤未便再招俄使重勘徒費周章轉致有礙大體奏奉

諭旨於是南段喀什噶爾之界定

李源鈞勘界公牘光緒十八年九月二十六日向西行歷孔鐵

克買斯

切

木吉

切

黑牙克巴什

切

霍什別里

切

阿爾里滿

切

孔

拜里

切

堪拉溪甲墩

切

色伯里坤

切

克子庫爾等處抵克子拉

提地方該處有向年所立牌博僅存基址據阿奇貝立卡頭目庫爾恰克聲稱卽係當年分界盡處考之圖約疑其語不確查由是處而南有喀里他達萬地名卽界約中喀爾阿爾特嶺擬徑度嶺履勘爲雪所阻因折回木吉復迤西南勘行至喀喇租庫卽喀喇雜克爲界約中所有地名尤信該卡目所指克子拉提爲烏什別里者之妄益行而南則有長石一綫其色甚紅詢之隨行土人地名克則吉業克又名克仔別里布回以克則爲

紅色吉業克爲長石一綫別里爲小嶺其名克仔別里者猶華言紅小嶺其名克則吉業克者猶華言紅長石一綫雖兩名實係一義而譯音克仔別里與烏仔別里相近克則吉業克與黑孜吉牙克相近固知界約所稱烏仔別里其爲是處無疑由是處而東約六十餘里卽黑孜吉牙克卡當日設卡以山名爲卡名特譯克則吉業克爲黑孜吉牙克小異耳中俄分界盡於此與外部接界卽始於此魏中丞所謂黑孜吉牙克爲中國與外部交界第一卡倫卽俄領事所云黑孜吉牙克卽烏仔別里也中俄分界止於是處不待煩言而解俄人之由該國阿拉依而來入我讓庫爾_句六爾阿烏者必經是處向東而行其別道則當繞由木子庫爾_句阿哈巴依塔得以入迤西而東且必徑行什克南界內矣

錢恂界語界綫自別牒里山口向西順廓克沙勒山嶺絕奇吉勒坤蓋河而過_{即廓克沙勒河}折而南至齊特察克山口有大路再

西至圖噶噶爾特山口有小路再西至他爾特庫里山口有小路再南至伊爾克什坦山口有大路絕克則勒蘇河而過再南至烏赤別里山口有小路絕瑪爾堪蘇小河而過再南至喀里他達灣有小路再南至烏仔別里山口有小路均順分水嶺作界大約南流東流之水屬中國北流西流之水屬俄國至烏仔別里而中俄訂有成約之界已畢此本光緒十年喀什噶爾界約天山以西嶺峻道險換約時未經履勘則分界大臣固未嘗自諱過烏仔別里而南卽現議未定之帕米爾過帕米爾則中俄之界畢而爲中英交界矣

鄒代鈞約說界自別牒里循廓克沙里嶺西偏南四十三度三十分迤一百又六里又轉而西偏北一度迤七十四里又轉而南偏西十九度迤三十六里爲川赤察爾山口卽阿克賽河入界處界又南偏西三十一度迤三十六里爲川烏魯山口界又南偏東十六度迤四十八里爲布特瑪納克山口

界又南偏西三十三度迤五十六里爲庫魯木都克山口界
又西偏南三十四度迤五十四里轉而西偏北三十九度六
十里爲庫爾撒山口卽薩雷別里界又轉而南偏西二十三
度三十分二十里爲齊特察克山口界又轉而西偏北二十
度十五里爲貼列克山口卽

聖武記所言之鐵列克嶺有路南通喀什噶爾北達俄七河部所
屬之那林斯闊業那林斯闊業在貼列克山口之北偏東六
度二百三十里俄人築礮台屯重兵之處地跨納林河界又
自貼列克山口北偏二十八度迤四十里爲克西勒庫爾山
口界又北偏二十八度迤三十二里轉而西偏南三度迤三
十四里爲圖魯噶爾特山口界又西偏南二十六度迤六十
四里又轉而西偏北三十六度迤五十五里爲圖永山口洪
圖作蘇約克山口界約作圖永蘇約克

自喀什噶爾山口至圖永山口爲塔爾巴哈台界與納林河界七河部之界

界自納林廓勒至圖永之界爲光緒八年十年所定界又自

圖永偏西三十度迤二十六里又轉而東偏南西十一度迤三十二里又轉而南偏西十九度迤二十里又轉而西偏北二十一度三十分迤二十六里又轉而西偏南二十三度迤一百三十二里爲克自達爾山口界又南偏西七度三十分迤七十里爲烏蘭烏蘇河入界處卽伊爾克什坦山口也河南岸爲瑪里他巴爾河北流入烏蘭烏蘇河之口界又汴瑪里他巴爾河南偏東十四度三十分迤三十二里爲瑪里他巴爾河源卽瑪里他巴爾山也界又順山脊西偏南十二度迤四十里又轉而南偏西三度迤三十八里爲烏赤別里山口卽瑪爾堪蘇河入界處界又轉而南偏東二十三度迤六十里爲喀里他達灣山口界又轉而南偏西二十九度迤五十四里爲喀拉雜克山口界又南偏東四十一度迤六十里爲仔烏別里山口自圖永至烏仔別里一段爲光緒十年喀什噶爾約所定之界

自圖永至烏仔別里爲喀什噶爾與俄屬塔城千省之界

中俄之界止於此自烏

仔別里以南則爲中國與帕米爾各回部之界光緒十年約自伊爾克什坦以南別爲一條蓋光緒七年議約時俄人以界當南止於瑪里他巴爾山謂逆回阿古柏夙許之也曾大
臣不允所請云崇厚約內所未有之地斷不能增俄人遂無
詞光緒十年當事者未能守光緒七年約所言照兩國現管
之界勘定於伊爾克什坦之南後引長二百餘里至於烏仔
別里俄屬費爾干省之疆域漸推而南侵佔回部之地愈多
矣俄人貪欲無厭後爭帕米爾至今尙未議妥也

